

春秋屬辭辨例編

春秋屬辭辨例地名門總目

東周列國總論 國數 地制 封建 疆域

列國地名都邑地並見經者

周 魯 宋 齊 晉 鄭 曹 衛

陳 蔡 許 紀 邲 邢 北燕 西虢

邾 小邾 莒 杞 楚 秦 吳 徐

戎 白狄 越都邑地未見經以大國附于末

經書諸小國不書都邑地者

宿 向 極 滕 薛 戴 州 穀

鄧 南燕 牟 葛 於餘邱 譚 遂 滑

蕭 郭 鄆 山戎 即北戎 狄 即赤狄 路氏甲氏吁麇皆如

陽 虞 江 黃 舒 舒蓼舒庸舒鳩 弦 溫 即蘇

鄧

厲

卽賴

英氏

項

梁

郤

隨

頓

夔

介

姜戎

沈

都

六

雒戎

麋

巢

巴

庸

崇

陸渾戎

邾

白狄

萊

根牟

茅戎

郭

州來

偃陽

郛

胡

淮夷

申

鮮虞

戎蠻

鄆

附見傳不見經之小國

險要之地書於經者

春秋屬辭辨例編卷四十六目錄

東周列國總論 國數 地制 封建 疆域

列國地名都邑地並見經者 上

周 公羊以王城為西周以成周為東周辨 邑非魯單氏辨 中城非稟邱厚邱辨 魯有二郎二防二郭

魯 南門兩解 郎臺為泉臺辨 棠唐一地說 許田非近

許國辨 成邑穀梁誤邱國辨 小穀誤齊之穀辨 左

氏以齊歸地為汶陽田辨 以費滑費惠公為季氏之費

辨 公羊以咸邱為邾邑以焚為樵辨 既疑齊地辨

乘邱應劭解辨 敗宋于鄆非齊遷紀邑辨 薛非薛國

及田文所居之薛辨 公羊說辨 紅地漢志注複誤辨

劉當是羨文辨 汾泉公羊說辨 公羊自移說辨 魯齊邾之

沂有三辨 公羊以闕為邾邑辨 公羊說辨 紅地漢志注複誤辨

宋 蕭有二毛氏說 垂誤濟陰之垂亭辨 鹿上水經注兩

春秋屬辭辨例編卷四十六

錢唐張應昌學

○東周列國總論 國數 地制 封建 疆域

異義公羊說殷三千諸侯周千八百諸侯按武王伐紂三分有二千八百諸侯則殷末諸侯千八百也至周公制禮之後準王制千七百七十三國而言周千八百者舉其全數鄭元駁五經異義

禹塗山之會萬國湯受命時三千國周封爵千七百七十三國至春秋見於經傳者僅一百六十五國蠻夷戎狄亦在其中馬端臨文獻通考

禹會萬國傳商及周止千七百餘國強弱之必相吞滅勢之必至者聖賢之君時出而齊之是以強者不敢肆弱者有以自立幽平以後諸侯放恣春秋之際存者百七十餘國而已雖桓文迭興而道德不足其身所攻滅蓋已多矣陵遲至於六國獨有宋衛中山泗上諸侯在耳務以詐力相傾是以至於蕩滅無餘而後止蘇轍樂城集

傳云禹合諸侯塗山執玉帛者萬國

哀七年傳

孔疏證之尙書州十有二

師古注所謂州千二百國八州九千六百國其餘四百國在圻內者也漢賈山至言周千八百國則祖王制九州千七百七十三國之文戰國策顏觸又有湯時諸侯三千之說王介甫曰禹會塗山但見東方諸侯耳豈四海之內會於一山之下哉書曰萬國總大畧之辭耳孔疏妄也

張尙瑗左傳折諸

周公斥大九州廣土萬里制爲九服邦畿方千里其外每五百里謂之一服侯甸男采衛要六服爲中國夷鎮蕃三服爲夷狄大司馬謂之九畿言其有期限也大行人謂之九服言其服事王也

孔疏

周封五等公侯伯子男然封伯禽康叔於魯衛地各四百里親親之義褒有德也太公於齊兼五侯地尊勤勞也武王成康所封數百而同姓五十五地上不過百里下三十里以輔衛王室幽厲之後王室

缺漚國興焉天子微弗能正非德不足形勢弱也

史記漢興以來諸侯年表論

周禮大司徒凡建邦國以土圭土其地而制其域諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一鄭注土其地猶言度其地鄭司農云土其地但爲正四方耳其食者半公所食租稅得其半耳其半皆附庸小國也屬天子參之一者亦然故魯頌曰錫之山川土田附庸奄有龜蒙遂荒大東至于海邦論語曰季氏將伐顓臾孔子曰先王以爲東蒙主且在邦域之中是社稷之臣然則方五百里四百里合於魯頌論語之言諸男食者四之一適方五十里獨此與今五經家說合耳元謂其食者半參之一四之一者土均均邦國地貢輕重之等必足其國禮俗喪紀祭祀之用乃貢其餘大國貢重

正之也小國貢輕字之也凡諸侯爲牧正帥長及有德者乃有附庸
爲其有祿者當取焉公無附庸侯附庸九同伯附庸七同子附庸五
同男附庸三同進則取焉退則歸焉魯於周法不得有附庸故言錫
之也地方七百里者包附庸以大言之也附庸二十四言得兼此四
等矣

周禮
鄭注

爵五等地三品公侯百里伯七十里子男五十里漢世儒者多以爲
然包咸注論語云千乘之國百里之國也謂大國惟百里周禮云諸
公地方五百里侯四百里伯三百里子二百里男百里鄭元之徒以
爲武王時大國百里周公制禮大國五百里王制之注具矣

尚書
孔疏

武成篇云列爵惟五分土惟三鄭注王制云殷所因夏爵三等之制
也是有公侯伯而無子男武王增建五等時九州界狹故土惟三等
至周公斥大九州之界增地亦五等

孝經
邢疏

孟子言土地之等差天子尊於公侯故制地方廣千里蓋不方千里則無以待天下之諸侯故也公侯卑於天子故地廣百里蓋不廣百里則無以守宗廟之典籍故也伯又卑於公侯子男又卑於伯故其地之廣狹亦莫不有七十里五十里之差凡是四等如其德不足以合瑞於天子而其地又不足以敵廣於公侯其勢又難以特達於天子者故因大國以名通則謂之附庸王制云公侯田方百里伯七十里子男五十里不能五十里者不合於天子附於諸侯曰附庸而孟子不言田而言地者蓋祿以田爲主王制主於分田以制祿孟子主於制地以分國而國以地爲主此所以有田地之異王制鄭注云殷爵三等公侯伯武王定天下更立五等增以子男而猶因殷之地九州之界尙狹也周公攝政致太平斥大九州之界封王者之後爲公及有功諸侯大者地方五百里其次侯四百里其次伯三百里其次

子二百里其次男百里所因殷之諸侯亦以功黜陟之其不合者皆

益之地爲百里是以周世有爵尊而國小爵卑而國大者

孫奭孟子疏

王制孟子皆言公侯百里伯七十里子男五十里與武成列爵惟五

分土惟三之制同今考之周禮大司徒曰公五百里侯四百里伯三

百里子二百里男百里職方氏曰封公以方五百里則四公方四百

里則六侯三百里則七伯二百里則二十五子百里則百男凡五等

也與王制孟子武成不同漢儒紛紛或以爲附庸或以爲斥大土宇

或以爲開方里數或以爲夏商周異制儒者常辯之矣然此在王制

孟子武成周禮自有明文第說者不察爾王制曰公侯皆方百里孟

子曰公侯地方百里伯子男皆以是差等蓋王制言王者之制爵祿

故以分田制祿言孟子言周室之班爵祿故以分地制祿言武成以

分土對列爵言之是亦以分土制祿言之也周禮則不然諸公之地

以封疆言則五百里至諸男之地以封疆言則百里是以封疆所至之地言之故有五等也公之封疆雖五百里而受田食祿則百里而已侯伯封疆雖四百里而受田食祿則七十里而已子男封疆雖二百里而受田食祿則五十里而已如今之郡縣大小各有差而俸秩乃其祿也又如今之食邑多寡各有數而實封乃其所食之祿也以封疆言則五等以食祿言則三等此其所以不同歟曰封疆者合山林川澤宮室涂巷所占之地言之也曰食者此合封疆所出之稅而王食其貢如九貢致邦國之用山師川師致山林川澤珍異之物是也公之地王與公各食其半侯伯之地自食其二王食其一子男之地自食其三王食其一

葉時禮
經會元

禹會塗山萬國而商湯之興則三千餘國是四百年間吞滅者衆矣周封建有加而止千七百餘國是六百年間吞滅者又幾半矣孟子

云齊魯之封儉於百里傳載子產之言昔者天子之地一圻諸侯一
同與書禮孟子俱合至論春秋之變謂今大國多數圻矣若非侵小
將焉所取夫以始受一同之地而極于數圻之多視王畿或相倍蓰
於周官兼附庸之數又相什百也

程公說分紀
疆理書叙

封建之制孟子與周官不合儒說之調停者亦異愚謂孟子周官皆
是也蓋孟子所言者周初之制見于尙書武成篇曰列爵惟五分土
惟三武成者武王之書今之武成多以爲僞然書序與孔壁古文明
明有之孟子言吾于武成取二三策是孟子親見武成之證也曰天
子一位公一位侯一位伯一位子男同一位與列爵惟五合公侯方
百里伯七十里子男五十里與分土惟三合可見孟子時真古文武
成亦有是二語周官者周家一代官制西周東周四百年中有因革
損益不必盡屬周初之制也周初公侯皆方百里成王時法已變晏

子告景公曰先君太公受之營邱爲地五百里史記曰伯禽康叔封于魯衛地各四百里太公于齊兼五侯地是齊國之五百里魯衛之四百里受封於成王時矣太公康叔武王所封何以成王復封之蓋在周公東征以後也其時滅國五十地皆與齊魯衛隣成王褒太公之功益以蒲姑之地嘉康叔之德徙於邶鄘衛之地大周公之功德封伯禽于魯而益以商奄之地康成注王制謂周公斥大九州之地益封諸侯正言齊魯衛加封之事也陸農師易山齋金仁山輩不然鄭說殆未之考然因此遂謂大司徒建邦之制爲成王所定則又不司司徒之文與夏官職方氏合職方氏一篇卽汲冢周書之職方解也周書序以爲穆王作今以兩書互校則職方氏多四十四字曰凡邦國千里封公以方五百里則四公方四百里則六侯方三百里則七伯方二百里則二十五子方百里則百男而職方解但云凡公侯

伯子男而已蓋穆王時職方氏原文尙無此四十四字爲後所增益
王室既微職方不修強陵弱衆暴寡天子不能討且因其并吞之地
從而封之增益職方氏之文以傳會大司徒之文且定其食數爲半
爲三之一爲四之一以傳合百里七十里五十里之初制所以掩王
靈不振之恥孟子未見周籍据武成爲言故與周官不合後儒篤信
周官爲周公所手定勉強調停故說愈多而愈歧爾

蔣湘南七
經樓文鈔

王制云不合於天子附於諸侯曰附庸鄭元曰不合謂不朝會也小

城曰附庸以國附於大國也

孔疏隱
元年

附庸之庸古通墉城也尙書大傳天子貢庸注庸廩也

楊慎丹
鉛總錄

古有附庸之國蓋古者封國之餘別有閒地諸侯之有罰者則削其
地以爲閒地其有功者則以閒地增封其國觀春秋之初附庸尙有
未命於王者見得侯國尙有閒地在也

呂祖謙左傳
續說隱元年

周家兵數皆從井田出諸侯千乘者得士七萬五千人天子萬乘則得士七十五萬人井田制定凡兵士器甲車馬無不有截然一定之數本國不可得而增派異國不可得而召募故其時雖有封國大小而強弱不甚相遠井田廢而邱甸無稽則一家而正羨俱行矣井田廢而游手無食則異國而流亡接踵矣此強吞弱并而天子夷於列國小國棄爲臣隸兵制之所以亂封建之所以亡

姜宸英湛園札記

封建非聖人意也勢也堯舜禹湯之事遠矣及有周而甚詳周有天下裂土田而瓜分之設五等邦羣后合爲朝覲會同離爲守臣扞城然而降於夷王害禮傷尊下堂迎覲歷於宣王挾中興復古之德雄南征北伐之威卒不能定魯侯之嗣陵夷迄於幽厲王室東徙而自列爲諸侯厥後問鼎之輕重者有之射王中肩者有之伐凡伯誅萇宏者有之周之喪久矣徒建空名於公侯之上得非諸侯之盛強末

大不掉之咎歟遂判爲十二合爲七國秦有天下裂都會爲之郡邑廢侯衛爲之守宰攝制四海運於掌握之內此其所以爲得也不數載而天下大壞暴其威刑竭其貨賄咎在人怨非郡邑之制失也漢有天下矯秦之枉徇周之制剖海內而立宗子封功臣數年之間奔命扶傷而不暇困平城病流矢陵遲不救者三世後乃謀臣獻畫離削自守時則有叛國而無叛郡秦制之得亦以明矣唐興制州邑立守宰此其所以爲宜也然猶桀猾時起虐害方域者失不在於州而在於兵時則有叛將而無叛州州縣之設固不可革也或者以爲殷周聖王也而不革其制不當復議是大不然殷周之不革是不得已也蓋以諸侯歸殷者三千焉資以黜夏湯不得而廢歸周者八百焉資以勝殷武王不得而易夫天下之道使賢者居上不肖者居下而後可以理安封建者繼世而理繼世而理者上果賢乎下果不肖乎

則生人之理亂未可知也吾固曰非聖人之意也勢也

柳宗元集

封建之弊其後併爲數十又併爲十二又併爲九爲六遂皆併于秦而周亡使能制之不使相併有併則代而更封之國衆而易治力小

而易馭則安有不善

畢仲游西臺集

古聖王封建制其爵位之等爲之禮命之數合之以朝覲會同維之以長帥牧伯而後可治也周室旣衰併爲十二列爲六七而封建之禮已亡秦以詐力一天下剗滅方國以爲郡縣三代之制不可復矣周之所以長久者由其德不獨以封建也必欲法上古而封之弱則不足以屏藩強則必至於僭亂此後世封國之弊也

范祖禹太史集

周之初列爲諸侯者以千數力小易使也勢便易治也此所以不惟承號令奉職貢而已固實有以翼戴天子也及其衰也大國或兼數千里王令之不能誅之不能逮并爲六國合爲秦而周亡矣非封建

罪也地過王制也

會鞏南
豐類稿

曹元首六代論曰先王知獨治之不能久也故與人共治之知獨守之不能固也故與人共守之兼親疏而兩用參同異而並進是以輕重足以相鎮親疏足以相衛并兼路塞逆節不生及其衰也苞茅不貢宋不城周二霸之後寢以陵遲

王應麟通鑑
地理通釋

呂氏春秋曰王者之封建彌近彌大彌遠彌小海上有十里之諸侯以大使小以重使輕漢上朱氏曰建萬國者衆建諸侯而少其力又封建肇於三皇至五帝而制備厯夏洎商至周其法尤密武王大封公侯於天下班彝分器作之屏翰以衛王室同姓兄弟之國五十有五而異姓勤勞以次畢封褒錄前帝苗裔立有虞夏商之後以備三恪其制則列爵惟五分土惟三其宗盟則同姓爲先異姓爲後在外爲國在內爲采內爲公卿外爲牧伯強幹弱枝犬牙交錯周詳長慮

誠久安之模已以文武之締造經營周公之撥亂反正馴及成康重熙累洽列侯羣辟星羅碁布於九州之中扞衛牧圉內外奠安可不謂至善耶迨後上失其制諸侯僭天子大夫僭諸侯禮樂征伐侵尋四潰而王官方伯黷貨莫能征討浸淫不振以至於亡故人皆曰周以弱亡論者徒見周之弱亡以封建故而不知其所以長世者正以封建故也驪山之禍賴秦伯以復存東遷晉鄭是依春秋盟會以奠王室迨至七國紛爭周弱極矣猶以爲共主而不敢取嚮使周不建國夷厲已失之矣何必赧哉秦并天下謂已之以侯得也又忿六國之難取也於是罷侯置守功臣子孫尺地蔑有自以爲得矣未幾劉季起於匹夫奚必有土乃王哉漢懲秦敝亦欲法三代之封建擇立失宜割地罔制大國連數郡三庶孽瓜分天下之半尾大抗衡後世又從而削之以致叛逆誅絕三代之法蕩然無餘矣

馬驥
釋史

封建之裂爲郡縣蓋不自秦始也自莊公之世而楚文王己縣申息封畛于汝逮後而晉有四十縣哀元年趙鞅爲鐵之師誓曰克敵者上大夫受縣下大夫受郡終春秋之世而國之滅爲縣邑者強半天下而諸國卒以強盛則當日之勢較之周初已稍稍異矣雖聖王復起不得不變其制也且入春秋以來周室得以綿延數百年者賴齊與晉耳而齊晉之兼國爲不少也假令齊晉謹守侯度猶然臨淄太原百里之封而周天子能統虞虢譚遂諸國以鞭笞荆楚披攘戎狄乎不能也其不能者何也其勢散且有土之諸侯未必皆賢即使因其不賢而易置之而其政令不能盡出于王朝其民之視聽不能盡屬于天子故常散而不能聚弱而不能強其易而縣邑也則不然度才而使之程能而任之明不道則夕斥之矣夕不道則朝罷之矣晉文難守原之大夫而得趙衰鄭子皮欲使尹何爲邑而子產曰少未

知可否其操縱由一己其呼吸若一氣其簡練教訓如親父兄之于子弟也故能抗方張之敵而成翼戴之勢嗚呼世變之所趨如天地之化陰陽積而成寒暑豈一朝一夕之故哉雖聖人復起無如之何也西漢之興侯國與郡縣參半未幾而反者四起其存者皆淫侈不軌逮國除爲郡而黎民乂安垂數百年漢之國除爲郡而地入于天子春秋之國滅爲邑而地歸于強侯漢以淫侈不軌而除春秋以弱小不能自立而滅其事不同而世變之所趨則一也天下之勢合則治而分則亂自三代以來莫之有易矣

顧棟高爵姓存滅表叙

世嘗謂三代行封建至秦漢乃爲郡縣而宋儒竊語更謂後世不復封建井田而言治皆苟道嗚呼此皆讀書泥古未嘗深觀其故而明其所以然也夫三代之都邑卽後世郡縣之制而三代之封建其國之大者僅劣如今之縣而春秋之中葉強弱兼削列國已半爲郡縣

初不始于秦也何則三代之世九夫爲井四井爲邑四邑爲都故孔子言邑自十室以至千室其大小可知而齊晉之初封不過百里今之下州小縣尚可當古之大國蓋古之疆域不及今五分之一而執玉帛者有萬非儉于制其勢不得不爾也故其勢亦弱其力亦分無能抗衡爲患方伯連帥得以臂指相使又其時風俗淳古無有兼併之志吞噬之患故夏商之世有王者無羣雄三代之諸侯皆以次相授其更姓改物另爲建置者不過百餘國耳杞鄫薛越傳國幾及二千年其故可知也嗚呼封建之不可論者謂有國之子孫不能皆賢余謂不待其子孫也卽其祖宗已斷斷不可何則三代之取天下也以德湯曰聿求元聖武曰旣得仁人其時伊萊周召皆有聖人之德輔佐天子治定功成剖符析土創法垂制踰數百年至戰國之世而有七雄矣世益降則羣雄割據益橫非得翦信韓彭凶虍暴桀之徒

則不得芟除羣醜削平叛亂其人皆出于賣漿屠狗庸奴氓隸問有如斛律金王君廓之流不識一字者即使之爲郡縣長無異豺狼之牧斯人何況世有爵土與國長久哉此亦世變爲之也故漢之七國晉之八王皆自其及身蒙禍論者又謂此非封建之害患不行教學齒胄之制耳嗚呼此又迂也卽今之郡縣而設立師儒教授之官尙不能施行教化漸於禮義而謂行封建之後能馴習膏粱統綰之徒使明于君國子民之道乎余觀春秋中葉如楚之申息晉之荀賈秦之少梁吳之州來其初皆小國諸侯而夷爲都邑嗚呼得其道則爲湯之兼弱攻昧文王之伐密伐崇失其道則爲秦晉吳楚之攘竊并吞貪婪荐食無他仁與不仁而已矣後之有天下者精擇守令用久任超遷之制則能熟知其民之利病而施教化慎簡督撫以專制一方之柄則能習知其利之賢否而加黜陟用後世郡縣之制而兼有

三代封建之利而去其害雖使聖人復生計無易於此必謂郡縣出於李斯之議不如湯武之封建此儒者迂論也

又列國都邑表叙

富辰言周公封建親戚凡二十六國成鱗言武王兄弟之國十有五人姬姓之國四十人荀子謂周公立七十一國姬姓獨居五十三人漢表謂周封國八百同姓五十有餘後漢章和元年詔謂周之爵封千有八百姬姓居半當以成鱗之言爲正皇甫謐亦云武王伐紂之年夏四月乙卯祀於周廟將率之士皆封諸侯國四百人兄弟之國十五人同姓之國四十人

王應麟困學紀聞

○按史記諸侯表周封同姓五

十五地上不過百里下三十里

又通鑑地理通釋

○成鱗云姬姓四十人蓋

舉成數

楊倞荀子注

讀僖二十四年昭二十八年左氏傳周之封同姓成鱗以爲武王富辰以爲周公以經傳攷之衛封於武王世魯晉封於成王世二子之

言不盡合而姬姓之國至於四十晉韓邢茅必在其內武王必不自封其子周公尤不得自封其子也蓋古人之文多舉其大畧以克商自武王故多推本武王言之富辰以與召公對舉則稱周公焉其實乃陸續所封不可概謂之武王尤不得專屬之周公也

崔述豐鎬考信別錄

昔武王大封列侯各有分地至春秋時猶存百二十四國稅安禮作春秋指掌圖以明之余謂是不可圖也若從其始封則與春秋時之疆境不合若從春秋當日則二百四十年中強兼弱削月異而歲不同當以何年爲準而圖之卽以周與晉楚論晉之始封太原百里之地耳其後獻公滅耿霍魏拓地漸廣而最得便利者莫如伐虢之役自澠池迄靈寶以東崤函四百餘里盡虢畧之地晉之得以西向制秦秦人叩首而不敢出者以先得虢扼其咽喉也至文公敗南陽奄有覃懷後經營中原追逐戎狄凡衛河以北殷墟之境之沒于狄及

邢之滅于衛滑之滅于秦者晉盡取之於是東及朝歌北盡邯鄲自河南之彰德衛輝至直隸之大名廣平順德悉爲晉有而謂晉猶昔日之晉乎楚封丹陽蓋在今歸州東南至文王滅郢縣申息封畛于汝已涉河南南汝之境以後蠶食諸夏鄭及唐葉皆南陽府地也江黃道柏蓼胡沈皆汝甯府地也最後城州來居巢鍾離則更侵入鳳陽廬壽之境而謂楚猶昔日之楚乎至周之東都鄭氏詩譜云封域在禹貢豫州太華外方之間北得河陽漸冀州之南畿內方六百里逮後南陽入于晉祭地入于鄭伊州入于陸渾日朶月削故襄王以前猶能興師伐鄭伐翼襄王以後如病痿蹙不能起王畿已非復東遷之舊況在小國乎夫弱小之日就微滅與大國之漸肆吞併非一朝一夕之故也不原其始封則不明先王星羅碁置犬牙相錯之意而不極吞併所至又無以識春秋之大勢故自王畿以下及諸大國必

先區明其本境以漸及其拓地之疆域而小國亦還其始封以至後入某國為某邑庶前後之疆索瞭如而廢興之故亦可睹矣顧棟高列國疆

域表

晉書地理志春秋之初尚有千二百國迄獲麟之末見於經傳者百

有七十國百三十九知其所居魯邾鄭宋紀衛西虢昔陳杞蔡邢邾晉薛許鄆秦曹楚隨黃梁虞鄭小邾

邾徐燕郛麋舒庸邾萊吳越有窮三苗瓜州有虞東虢共宿申夷向

南燕滕凡戴息郛芮魏淳于穀巴州蓼羅賴牟葛譚蕭遂滑權鄭霍

耿江冀弦道柏微鄆厲項密在須句頓史頓管雍畢豐邢應蔣茅胙

麋介焦沈六巢根牟唐黎郛瑕寒有鬲斟灌斟尋過有過戈偃陽郛

篇豕韋唐杜楊幽鄆觀扈郛胡黎大庭駘岐三十一國盡亡其處祭

邾鍾吾蒲姑昆吾房密須甲父郛桐亳韓趙仍崇邾庸姚奄商奄襄如尊有緡闕鞏饒窮桑鞏此總論經傳中

所載國名耳至哀公時國之存者原不過數十也故傳曰今其存者

蓋數十焉齊召南左傳考證

鄭桓公當周之季已能卜齊晉秦楚四國之大其後卒如其言以四

國形勢論之晉與秦最上楚次之齊爲下自夏以前皆都晉蓋其據太行負中山扼蒲津風氣最完固輔以代北之馬猗氏之鹽有不殆者三焉晉之初封疆宇尙隘其後漸廓直與雍豫相接姜戎又附之故天下莫強焉而由太原下瞰長安纔數百里故嘗足以陵秦然秦據函谷負三巴扼渭曲稱爲陸海其險不下於晉是二國實天下與區楚之勢萬不足以擬此然伊洛以南江漢環之亦天塹也進則由申息以通中原退則閉方城而守雖強國弗能驟加之亦足豪矣而齊皆無之雖負泰山環濁河清濟據臨淄而不足稱地險其以東秦稱之者妄也是以自桓公卒晉強則附晉楚強則附楚而見摧於晉爲尤甚靡筭敗後再折於平陰三困於夷儀無不長驅得志齊之報晉者一待乘其樂盈之難不可謂武直至晉陽大亂齊始稍挺可以知其弱矣宋之盟晉楚其議釋齊秦齊終朝楚而秦不然甚矣齊之

弱也晉楚相爭晉之大得志於楚者城濮也鄢陵也楚之大得志於晉者邲也楚之敗以子玉子反晉之敗以先穀苟非然者莫能相尙然亦皆去其國而闚若直入其境未聞其能大勝者則險可知也齊則使人入其堂與而陵之矣秦之強足以抗晉而遏楚乃不得稱霸於中原則屈於晉也晉之霸也首得秦而伐鄭之役失之秦遂去而之楚晉霸之減色未嘗不以秦故而楚雖得秦不過稱與國未嘗能致其朝享豈若齊之朝晉朝楚奉命不暇哉五霸之降爲七雄而秦晚出莫能與爭是亦運會爲之也晉不分或尙足以抗秦晉分而秦

盛矣

全祖望鮑琦亭集
春秋四國強弱論

地名有見於經者有見於傳者有並見於經傳者顧其文蔑以爲昧紀以爲杞滑以爲郎榿以爲扞偃以爲纓崇以爲柳鐵以爲粟以陸渾爲賁渾以厥慙爲屈銀以臯鼫爲浩油以稂祥爲侵羊若是者不

可悉數也邾也謂之邾婁貫也謂之貫澤訾婁也謂之叢安甫也謂之寧沙也謂之沙澤一邾也或以爲成或以謂盛一酈也或以爲犁或以謂麗一孟也或以爲霍或以爲雩一號也或以爲郭或以爲潮一艾也或以爲鄩或以爲蒿狸脰謂之狸軫或又曰蜃也蚡泉謂之潰泉或又曰賁也鄩丘謂之犀丘或又曰菑丘又曰師丘也其在當時傳者已滋異同繁省之不一而況乎百世之下壤地之離合名號之廢置升降乃欲通習而考證之刊落叢謬不其難哉

朱彝尊曝書亭集徐氏地

名考序

○列國地名都邑地並見經者

上數卷所采高顧江氏說篇首載書名後從畧但著人

周

公羊以王城爲西周以成周爲東周辨邑非魯單氏辨

祭地說辨單

周東都畿內方六百里其封域在禹貢豫州太華外方之間北得河陽漸冀州之南始武王作邑於鎬京謂之宗周是爲西都周公攝政

五年成王在豐欲宅洛邑使召公先相宅既成謂之王城是爲東都
今河南是也召公既相宅周公往營成周今洛陽是也成王居洛邑
遷殷頑民於成周復還歸處西都十一世幽王嬖褒姒廢申后申侯
與犬戎攻宗周殺幽王晉文侯鄭武公迎太子宜臼于申立之以亂
故徙居東都於是王室與諸侯無異

詩疏鄭
元譜

河南郡雒陽縣周公遷殷頑民是爲成周河南縣故邾鄆地武王遷
九鼎周公營以爲都是爲王城至平王居之

漢書地理志上

周在中樞三河之分風雨所起四險之國武王定鼎以爲東都

太平御覽

一百五十八
引博物志

武王定鼎邾鄆周公營王城曰此天地之中道里均也

劉恕通鑑外紀

帝王世紀后稷始封邠子不窋失官竄於西戎公劉徙邑於豳太王
爲狄逼遷岐山之陽南有周原改號曰周王季徙程書序曰維周王

季宅程是也文王徙豐武王營洛邑而定鼎焉周公相成王以豐鎬
偏處西方貢不均乃使召公卜洛水之陽以卽土中故援神契曰八
方之廣周洛之中遂築新邑營定九鼎以爲王之東都世本日懿王
居太邛平王徙洛洛誥所謂新邑也敬王東居成周遂徙都至赧徙
居西周平王四十九年魯隱公之元年敬王三十九年獲麟之歲也
四十三年而敬王崩元王九年春秋傳終元王以下十一世而周亡
王應麟玉海卷十六
參春秋隱元年孔疏

昔周公營雒邑以爲在土中諸侯蕃屏四方故立京師至幽王滅
宗周子平王東居雒邑初雒邑于宗周通封畿韋昭曰通在二封之
地共千里也師古曰
宗周鎬京也方八百程入八六十四爲方百里者六十四雒邑成周
也方六百里六六三十六爲方百里者三十六二都得百里者百方
千里也故詩東西長而南北短短長相覆爲千里至襄王以河內賜
云邦畿千里

晉文公又爲諸侯所侵故其分地小

漢書地理志下

唐天文志周之興也王畿千里及其衰也僅得河南七縣

漢志周地今河南維

陽穀城平陰偃師鞏緱氏

通典周封域西得今河南洛陽偃師東至鞏氏鞏縣南

得伊闕北至于河至戰國時東西南北僅方百餘里

王應麟通鑑地理通釋

呂氏曰周秦疆弱形勢其說始於婁敬敬所見者平王之周耳曷嘗見文武成康之周哉岐豐被山帶河四塞爲固平王輕捐其地以封秦遂成秦之疆失周之半以破裂不全之周兢兢自保猶恐難立又今日割虎牢界鄭明日割酒泉界虢又捐數邑於晉是自削也又

東遷後王畿疆域尙有今河南懷慶二府之地兼得汝州跨河南北有虢國桃林之隘以呼吸西京有申呂南陽之地以控扼南服又名山大澤不以封虎牢崤函俱在王畧襟山帶河晉鄭夾輔光武創業規模不是過也自號令不行諸侯攘竊更復披析其地以爲賞功酒泉賜虢虎牢賜鄭至允姓之戎入居伊川異類逼處莫可誰何晉滅

號而鎬京之消息中斷楚滅申而南國之窺伺方張至溫原蘇忿生之田與鄭晉則舉大河以北棄之由是王所有者懷慶之河內武陟二縣河南之洛陽偃師鞏縣嵩登封新安宜陽孟津八縣汝州之伊陽魯山許州之臨潁而已

顧棟高
大事表

嘗讀詩至召旻之卒章曰昔先王受命有如召公日闢國百里今也日蹙國百里喟然嘆曰此其故春秋盡之矣周自平王東遷尙有太華外方之間方六百里之地其時西有號据桃林之險通西京之道南有申呂扼天下之膂屏東南之固而南陽肩背澤潞富甲天下轅轅伊闕披山帶河地方雖小亦足王也故桓王之世猶能興師以號召諸侯虎牢屬鄭仍復收之至惠王始與鄭以武公之略張弛自如皇綱未盡絕于天下也而孱弱不振日陵月削楚滅申而東南之蔽失晉滅號而西歸之道斷至襄王以溫原界晉而東都之事去矣論

者謂襄王失計然在桓王時已嘗以十二邑易鄆邢之田于鄭鄭不能有而復歸諸周周復不能有而強以與晉晉得之而日以強周日以削至祭入于鄭晉遷陸渾之戎于伊川楚伐陸渾而遂觀兵周疆矣然則詩人所歎息痛恨於日蹙國百里者其此之謂歟又周疆域論
按鄭語史伯對鄭桓公曰當成周者南有荆蠻申呂應鄧陳蔡隨唐北有衛燕翟鮮虞路洛泉徐蒲西有虞虢晉隗霍楊魏芮東有齊魯曹宋滕薛鄒莒是非王之支子母弟甥舅也則皆蠻荆戎狄之人也韋注成周雒邑也按此猶可見東遷之初拱衛之盛而戎狄之偏處懿親之窺伺亦具見焉

都 王城 成周 翟泉

邑 南 渠 仍 周 召 毛 凡 祭

尹 單 劉 榮 溫蘇 暴 郊

地女栗桂皇

垂葭從衛改入

宜星改入鄭

鼎
雒 渠梁

昭二十二年秋劉子單子以王猛入于王城

城盛也盛受國都也劉熙釋名○武王作邑于鎬京謂之宗周是為

西都既革殷命謂周公曰我南望三塗北望嶽鄙顧瞻有河粵

瞻伊雒毋遠天室營周居于雒邑而後去見史記周本紀蓋營之而未

就也周公攝政之七年成王欲宅洛邑使召公相宅召誥曰太

保朝至于洛卜宅厥既得卜則經營乃以庶殷攻位于洛汭孔

安國傳曰以衆殷之民治都邑之位于洛水北今河南城也愚按

桓二年傳武王克商遷九鼎于雒邑杜注武王但康誥曰周公

營雒邑未有都城至周公乃卒營雒邑謂之王城初基作新大邑于東國洛四方民大和會周書作雒解周公立

城方千七百二十丈郭方七十二里南繫乎洛水北因乎郊山

以爲天下大湊平王東遷始居之以其在豐鎬之東謂之東都
鄭氏詩譜曰周東都畿內方六百里其封域在禹貢豫州太華
外方之間按平王四十九年入春秋經凡書京師皆指此亦謂
之王城莊二十一年諸侯同伐王城殺子頹僖十一年揚拒泉
皐伊維之戎入王城二十五年襄王入于王城昭二十二年劉
子單子以王猛入于王城二十六年王子朝入于王城是也自
平王東遷至景王十一世皆居此敬王遷成周王城廢至赧王
復居之在今河南府洛陽縣城內西偏高土奇地名攷畧顧棟高大事表參○又
按宣三年傳成王定鼎於郊鄩郊鄩卽王城之別名水經注洛
水又東枝瀆左出焉枝瀆逕河南縣王城西歷郊鄩陌杜預釋
地縣西有郊鄩陌是也亦謂之郊桓七年遷盟向之民于郊杜
注郊王城也襄二十四年穀洛鬪將毀王宮齊人爲王城郊國

語晉文公定襄王子邲是也又水經注京相璠曰邲山名鄆地
邑也是爲王城其城東南名曰鼎門蓋九鼎所從入也又高士奇○

河南卽邲鄆武王遷鼎周公營以爲都是爲王城洛陽周公所
營下都以遷殷頑民是爲成周平王東遷定都王城子朝之亂
敬王徙都成周至考王以王城故地封弟揭於河南是爲河南
桓公平王東遷之後所謂西周者豐鎬也東周者東都也威烈
王以後所謂西周者河南也東周者洛陽也何以稱河南爲西
周自洛陽視王城則在西也何以稱洛陽爲東周自河南視下
都則在東也鮑彪國策注○晉太康地道記王城去洛城四十里城
內南北九里東西六里王應麟玉海一百七十三○王說又見下成周○劉忠定元城
語鎬京地方八百里八八六十四爲方百里者六十四洛邑地
方六百里六六三十六爲方百里者三十六也二都得方百里

者百爲方千里故曰邦畿千里此武王時也至幽王時宗周滅
所謂方百里者失之矣及平王東遷則方六百里爾

楊慎丹鉛總錄

○

平王東遷歷十二王而至景王皆居王城敬王徙居成周其時
以王城在成周之西而敬王子朝並立稱王故萇宏以地震之
故告劉文公謂西王受震東王必克蓋亦就二王言之並無有
以王城爲西周成周爲東周者至顯王二年韓趙分周爲二國
名東西周於是始有東西二周之名故曰春秋以前稱西周豐
鎬也稱東周者郊鄆也戰國以後稱西周者王城也稱東周者
成周也意公羊本戰國後人不知東西二名實起于戰國之末
遂名王城曰西周成周曰東周誤矣

毛奇齡傳

○陳氏家氏說見書

天王出入門

宣十六年夏成周宣榭火

昭二十六年冬天王入于成周

昭三十二年冬會城成周

公羊徐彥疏名爲成周者鄭注書序云居攝七年天下太平而

此邑成乃名爲成周也

宣十六年注疏愚按史記魯世家周公營成周裴駰集解引公羊何休注曰

名爲成周者周道始成王所都也與今本公羊注異

○王城者郊鄙又謂之東都成周者

洛陽亦曰下都周公營王城并營下都處殷頑民在瀍水之東

與王城相去十八里亦謂之成周洛誥周公曰我乃卜澗水東

瀍水西惟洛食我又卜瀍水東亦惟洛食孔安國傳曰澗瀍之

間今河南城瀍水東今洛陽將定下都遷殷頑民故并卜之韋

昭曰成周在瀍水東王城在瀍水西是也隱三年傳鄭取成周

之禾鄭注成周今洛陽縣也昭二十六年子朝奔楚其餘黨多

在王城敬王避之徙都成周成周狹小乃請諸侯城之自是迄

春秋之末凡書京師者皆指成周在王城東故公羊傳曰東周

也參高士奇○又按敬王居成周後考王封其弟揭于河南至

威烈王時桓公孫惠公又封少子班于鞏以奉王于洛陽顯王

二年韓魏卽其所封分周爲二於是東西周同于列國顯王特

寄居于東周而已赧王又遷西周而周乃亡又高士奇○陸機洛陽

記曰洛陽城周公所制東西十里南北十三里華延雋洛陽記

曰陸機所謂洛陽城卽成周也後漢魏隋並都于此王應麟玉海一百七

三○周初王城非天子時會諸侯則虛之下都則保釐大臣所

居治事之地又通鑑地理通釋○臨川吳氏曰王城曰東蓋以鎬京爲

周之西都東對西而言也成周曰下都蓋以王城爲洛之上都

下對上而言也趙汭補注○東遷後世居王城今子朝據之敬王居

狄泉晉師納王王入于成周子朝棄王城奔走王以子朝餘黨

尚多不居王城而居成周成周乃周公遷殷頑民之地其城圯

惡故以兵戍至是城之乃徹戍

吳澂纂言

僖二十九年夏盟于翟泉

翟公作狄

昭二十三年秋天王居于翟泉

杜注洛陽城內太倉西南池水也鄭氏曰狄泉本在洛陽城北

定元年城成周時乃繞狄泉于城內昭二十三年天王居于狄

泉二十六年始入于成周此時狄泉與成周猶爲兩地也史記

云王子朝自立敬王不得入居澤賈逵曰澤邑名卽狄泉也蓋

卽春秋昭二十三年之事

參高士奇顧棟高

○是年傳曰王師在澤邑

○敬王時乃繞翟泉于城內當晉盟時不在城內審矣其時天

子在王城去洛陽四十里而翟泉又在洛陽城外

王夫之釋疏

以上周都

魯九年春天王使南季來聘

南季蓋食采於南後因以爲氏水經注陸渾縣東南有南水徐

靖管城碩記 ○按南卽聘之後見王臣門

桓四年夏天王使宰渠伯糾來聘

杜注渠氏惠棟補注渠周邑蓋氏於邑者引左傳爲證惠說見王臣門

桓五年夏天王使仍叔之子來聘

夏后緡逃于有仍賈逵曰緡有仍之姓也有仍國名后緡之家

史記吳世家集解 ○有仍國未知所在春秋仍叔之子穀梁經傳並作

任叔仍任聲相近或是一地地理志東平有任縣蓋古仍國又索

隱 ○古仍任通昭二十二年傳王師次于任人當卽仍叔之仍

也畢沅晉書地理志補正 ○仍本古國名穀梁作任續漢書郡國志任城

本任國當卽古仍國秦嘉謨世本輯補氏姓篇

僖九年夏宰周公會葵邱 宰周公孔

僖三十年冬天王使宰周公來聘 周公闕

成十二年春周公出奔晉 周公楚

杜注周采地○周公封魯諡曰文公召公封燕諡曰康公元子

世之其次子亦世守采地在王官春秋時周公召公是也 詩疏

召南○旦與奭次子名諡書傳無文平王以西都賜秦則春秋

時周公召公別於東都受采存本周召之名非復岐周之地考

王封弟揭于河南以續周公之官職蓋卽受其采地也晉書地

道記云河東郡垣縣有召亭周則未聞 孔穎達○隱六年傳周

桓公言于王杜注扶風雍縣東北有周城按此周城周公初封

之邑也雍縣卽今鳳翔府治杜預據始封言之耳 高士○史記

索隱曰周公元子就封于魯次子留相王室代爲周公路史謂

平王子秀封汝川非也然周邑在西都畿內平王東遷或更以

汝川地封周公未可知耳

顧棟高
姓氏表

文五年春王使召伯來會葬

武公子昭公

宣十五年夏王札子殺召伯毛伯

昭公子戴公

昭二十六年冬尹氏召伯毛伯以王子朝奔楚

簡公盈

僖二十四年傳召穆公思周德之不類杜注召采地扶風雍縣

東南有召亭

召穆公虎在
厲王宣王時

水經注雍水東逕召亭南亭故召公

采邑在周城南詩譜曰又王受命作邑於豐乃分岐邦周召之

地爲周公旦召公奭采地至武王克商元子國燕次子仍食召

邑春秋所書召伯乃東遷後別受采邑在今絳州垣曲縣之召

原後漢志河東垣縣有召亭太平寰宇記召原在王屋山下古

今地名云王屋山狀如垣故以名縣今爲垣曲縣

參高
土奇

○參看

上條○按莊二十七年孔疏謂召伯東都別賜采地不知所在

文元年夏天王使毛伯來錫公命毛伯衛

文九年春毛伯來求金同上

宣十五年夏王札子殺召伯毛伯同上

昭二十六年冬尹氏召伯毛伯以王子朝奔楚毛伯得

杜注毛伯采邑在今河南府宜陽縣界○按毛國文王子毛叔

鄭封地史記武王克商入立社南毛叔鄭奉明水成王顧命毛

伯班第六領司空故封不知所在僖二十四年傳狄伐周獲原

伯毛伯杜注原毛皆采邑孔疏此原伯毛伯是文王子原毛之

後世爲王臣伯爵或本封絕滅食采畿內故云皆采邑也高士奇

○文王第九子毛伯受封毛國因以爲氏支孫爲周卿士林爽

姓○前漢書古今人表毛叔鄭下本注云文王子逸周書毛叔

鄭奉明水俗本逸周書作毛伯鄭據史記叔度叔鮮叔振鐸之例當云叔鄭知作伯鄭者誤也

倪倬讀左瑣言

○尙書顧命稱毛公孔

傳以爲三公之公是也書正義引王肅云畢毛文王庶子朱胡

寅皇王大紀亦云武王封庶弟叔繻於滕叔鄭於毛乃鄭樵獨

以爲毛伯明不知所本杜氏定四年注稱毛叔畀與畀季封國

同名蓋傳寫之誤

梁履繩補釋

○愚按通志及元和姓纂所云毛伯

自是受封後爵稱未封時稱叔非林鄭誤也

隱七年冬天王使凡伯來聘戎伐凡伯于楚邱以歸

杜注凡伯周卿士凡國伯爵汲郡其縣有凡城○按水經注清

水南逕凡城東周凡伯國也在今衛輝府輝縣西南二十二里

高士奇

○凡祭周公之允蓋本封絕滅食采畿內者

齊履謙統紀

○後

漢郡國志河內郡共有汎亭劉昭注凡伯國按凡汎古字通

洪亮

吉春秋
左傳詁

隱元年冬祭伯來

桓八年冬祭公來遂逆王后于紀

莊二十三年春祭叔來聘

杜注祭國伯爵孔疏富辰云邢茅胙祭則祭之初封畿外之國也穆王時有祭公謀父今有祭伯世仕王朝蓋本封絕滅食采於王畿也隱元年○祭有祭公祭伯祭叔伯其爵也公其官也叔

其弟也

程端學本義莊二十三年引趙與權

○祭周公第五子所封地在東周畿

內今在開封府鄭州東北

高士奇

○路史周圻內管城東北有古

祭城按管城卽今之鄭州也高氏士奇於成四年傳鄭地汜祭引吳氏說謂祭卽中牟之祭亭周祭伯之邑後入于鄭冀纂從之此蓋誤也按祭地有三一爲直隸大名府長垣縣之祭城一

爲管城之祭城一爲開封府中牟縣之祭亭長垣去鄭遠當屬
衛杜於桓十一年傳祭封人仲足注云在長垣非也中牟正爲
鄭地祭仲之邑當在此管城之祭爲周祭伯采地路史說是蓋
鄭州近王畿也但其後鄭亦并之耳或疑鄭并王畿之祭以封
祭仲按鄭祭仲見隱元年傳隱桓莊之編厯書祭伯祭公祭叔
祭未嘗滅也鄭安得取以封仲乎彙纂於隱元年經祭伯旣引
路史於成四年傳祀祭又從高氏誤矣至長垣之祭城意周初
以此封周公之子其後祭公入爲卿士而周又遷東都祭公遂
改食邑於管城歟

江永地
理考實

○穆天子傳作鄒云鄒鄒公邑

洪亮
吉春

秋左
傳詁

隱三年夏尹氏卒

成十七年夏尹子會伐鄭

尹武公

昭二十三年秋尹氏立王子朝

尹文公固

昭二十六年冬尹氏召伯毛伯以王子朝奔楚

孔疏宣王之世有尹吉甫春秋以來數有尹子見經是其食采於尹世爲周卿士也世爲卿士宗族強盛故能專立不言尹子而言尹氏者見其氏族強也

昭二十六年

○尹氏少昊之子封於尹城

因以爲氏子孫世爲周卿士食采於尹

通志氏族畧

○昭二十三年

傳王子朝入于尹杜注尹氏邑也今山西汾州有尹吉甫墓卽

古尹城

高士奇

○顧氏說見王臣書氏門○按子朝從京入尹從

尹人王城皆在周地若山西汾州府距河南遠其地屬晉雖有尹吉墓當非東周尹氏之邑也水經叙洛水逕宜陽縣故城南注云洛水又東其水入焉水北出長石山其西有共谷其水出焉南流得尹谿口水出西北尹谷疑尹氏邑以尹谿尹谷得名

然則尹邑在宜陽與

江永

○萬氏氏族畧謂周尹佚之後以邑爲

氏

梁履繩補釋○按與顧說合

成十七年夏單子會伐鄭

冬又會伐鄭

單襄公

襄三年夏單子會盟雞澤

單頃公

昭二十三年單子以王猛居于皇

單穆公族

愚按莊十四年左氏傳誤以魯單伯爲周卿杜孔遂仍其謬誤

杜注莊元年單伯逆王姬云單伯天子卿也單采地伯爵孔疏

單者天子畿內地名單氏食邑此及文公之世

文十四年

皆云單伯

成公以下稱單子皆爵也前稱伯後降爲子耳

成十七年杜注單伯稱子蓋降

爵孔氏

其說謬甚逆王姬

莊元

會伐宋會鄆

莊十四

如齊見執

文十四

之單伯乃魯之命卿單氏伯字單非采地伯非爵也與成襄時

所書單子自別諸說辨証見大夫賜族書氏門魯單伯下○成

王封少子臻于單邑為甸內侯因氏焉林寶元和姓纂二十五寒

襄十五年春劉夏逆王后于齊劉康公子定公

昭十三年秋劉子會平邱定公子獻公摯

定四年春劉子會召陵秋劉卷卒葬劉文公 肅公庶子即劉蚩

杜注劉采地又宣十年王季子來聘左氏傳云劉康公杜注王

季子者天王母弟其後食采於劉孔疏劉夏當是康公之子即

前年傳稱劉定公是也襄十四年傳王使劉定公 賜齊侯命杜注定公劉夏 公羊傳云母

弟也季子是頃王之子定王之弟顧氏棟高日後漢書緱氏縣

西北有劉亭周大夫劉子邑也今在偃師縣愚按隱十一年傳 王取鄆劉焉邢之

田于鄭杜注緱氏 縣西北有劉亭○水經注劉水出半石東山西北流逕劉聚

謂之劉澗在緱氏西南周畿內劉子國馬宗璉左傳補注 洪亮吉左傳詁

莊元年冬王使榮叔來錫桓公命

文五年春王使榮叔歸含且贈

愚按穀梁文五年范注榮叔天子上大夫榮采地

高氏引作杜注誤莊元年

杜注榮氏叔字不云采地

高氏曰榮地未詳恐即榮錡氏昭二十二年景王

崩于榮錡氏杜云河南鞏縣西有榮錡澗○榮氏其先食邑于

榮厲王卿士榮夷公見周語杜云鞏縣有榮錡澗

通志氏族畧

○周

大夫采邑因氏焉周書曰王俾榮伯作賄肅慎之命

顏師古急就篇注

僖十年春狄滅溫溫子奔衛

又十年秋及蘇子盟于女栗

傳以溫爲蘇氏邑非也邑不言滅言滅非邑也

郝懿行說畧

○按僖

十年經書狄滅溫溫子奔衛傳則曰狄滅溫蘇子奔衛杜注蘇

子周司寇蘇公之後也國於溫故曰溫子孔疏尙書立政云司

寇蘇公成十一年傳曰昔周克商蘇忿生以溫爲司寇蘇氏即

狄又不能于狄而奔衛蓋國名為蘇所都之邑名為溫故溫蘇

遞見於經

溫蘇一國二名孔疏甚明高氏攷畧不引今補之又按水經注濟水南逕溫縣故城周畿內國司寇蘇忿

生之邑也狄滅溫襄王以賜晉亦可證孔疏

鄭樵曰蘇已姓國額頊裔封于蘇鄴西

蘇城是也羅泌判蘇溫為二國顯與經傳相戾王氏卮言曰王

與鄭以蘇田十二溫居一焉

隱十一年傳王與鄭人蘇忿生之田溫原緄樊陽鄆攢茅向盟州陘

隲則始封在蘇而溫特為蘇田耳其後遂以為國斯言諒矣蓋

春秋初蘇氏已絕封故田歸王室觀王與鄭田時特稱其祖父

之名即可見矣其後子頊作難因蘇氏五大夫奉子頊以伐王

不克出奔溫

僖十九年傳

蓋續封而居溫故見滅于狄遂稱溫子也

溫滅之後地復歸王更以賜晉

僖二十五年傳襄王與晉文公陽樊溫原攢茅之田晉於是始

啟前

至文十年女栗之盟復見蘇子杜注蓋王復之也蘇子再

絕再續仍就初封其蹤跡了了可見

高土奇

○再按晉受溫邑以

狐秦爲溫大夫襄公以子陽處父景公以子卻至

成十一年傳晉卻至與周

爭鄆田卻至曰溫吾故也鄧子單子曰襄王勞文公而賜之溫狐氏陽氏先處之而後及子若治其故則王官之邑也子安得

溫別邑平公以賜樂大心韓宣子以州田易得之中間又嘗屬

趙氏故趙文子曰溫吾縣也

昭三年傳○又○隱三年傳鄭取溫之麥

杜注河內溫縣今懷慶府溫縣西南三十里有古溫城

顧棟高參○

蘇氏已姓顓帝裔孫吳回爲重黎生陸終陸終生昆吾封於蘇

其地鄴西蘇城是也至周武王用忿生爲司寇邑於蘇子孫因

以爲氏

通志氏族畧

○蘇公在西周刺暴公作詩者已有國邑東遷

時國亡隨平王而東因封于溫狄雖滅溫蘇氏未亡王蓋復立

其支子仍以蘇子故名爲其邑號爾滅國有不必有其地者如

楚滅蕭不能有而地入于宋狄亦不能有溫地仍爲王畿後以

與晉特溫子不復有國而別立蘇子溫則亡也

王夫之碑疏

○案鄭

語云已姓昆吾蘇顧溫董韋昭注五國皆昆吾之後別封者晉語云殷辛伐有蘇有蘇氏以妣己女焉蓋蘇黨惡於紂必爲周所滅司寇忿生疑卽出自有蘇以國爲氏子孫因之故莊十九年傳蘇子亦稱蘇氏成十一年傳蘇忿生以溫爲司寇或卽以溫故國封之則溫乃周所封國名故春秋書溫子孔仲達謂國名爲蘇與杜氏背矣

梁履繩補釋

○愚按王梁二說攷國土辨孔疏

甚精古有蘇國已絕而周封之于溫無疑義矣惟溫故國之封以王說在東遷後爲得之以西周時祇稱蘇公春秋時乃書溫子見之也○愚又按狄滅之溫卽蘇國也此周地也其後爲晉地至僖二十八年會于溫之溫卽河陽此又一晉地河陽始亦爲周王與鄭之盟

說見晉地條下

隱十一年傳盟與溫是兩地則蘇國

之一名溫與河陽之一名溫名同而地異也

文八年冬公子遂及雒戎盟于暴

杜注鄭地非也按詩何人斯刺暴公也暴公與蘇公同爲周卿士路史暴辛公采地一曰暴隧鄭箋謂周圻內無暴者失之

奇○又按成十五年傳楚子侵鄭及暴隧卽周邑是時爲鄭所

有又○暴王畿采邑程端學本義引高氏

昭二十三年春晉人圍郊

杜注郊周邑討子朝也二十二年傳子朝帥郊要餞之甲以逐劉子杜注郊要餞三邑○愚按昭十二年傳周原伯綏奔郊注郊周邑疑卽此此年傳又云郊鄆潰顧氏春秋與圖云郊與鄆邑相近鄆在河南府鞏縣西南

以上周邑

文十年及蘇子盟于女栗杜注地闕

高氏攀龍曰女栗畿內地當從之定公七年春二月周儋翩入于儀栗以叛杜注儀栗周邑疑近其地徐卓經義未詳說

昭二十二年夏劉子單子以王猛居于皇

杜注河南鞏縣西南有黃亭今在鞏縣西北後漢志有湟水卽皇也水經注雒水合于谿泉又東濁水注之古湟水也水出南

原京相璠曰訾城北三里有皇亭春秋所謂次于皇者也高士奇參

定十三年春齊侯衛侯次于垂葭葭公作瑕○高氏顧氏入衛地今從王氏改入周地

傳曰實鄆氏杜注垂葭改名鄆氏高平鉅野縣西南有鄆亭按

鉅野今屬曹州府高士奇額棟高○杜解傳鄆氏以爲鉅野之鄆亭非

也傳云濟河伐河內去鉅野遠矣衛欲伐晉而反東馳邪按鄆

古陶反與溟通以水言則从水以地言則从邑一也溟水出濟

源至溫縣入河實河內地已逼晉境故邴意茲日數日而及絳

也王夫之○公作垂瑕假音字趙但異

釋疏
以上周地

文八年冬雒戎

雒戎考見後○昭元年傳趙孟館于雒內杜注洛水在鞏縣南
水曲流爲汭按鞏縣屬今河南府水經注洛水出京兆上洛縣
謹舉山迤邐東北過河南縣南周洛爲中謂之雒邑漢火行忌
水去水加佳魏土德除佳加水又東北入于河謂之洛內顧棟
襄十六年春會于淇梁高參

杜注淇水出河內軹縣東南至溫入河○爾雅梁莫大于淇梁
淇水名梁隄也今淇水源出懷慶府濟源縣西北愚按縣爲古
原城水經注淇水出原城西北原山勸掌谷俗謂之白澗水春
秋淇梁謂是水之墳梁也南逕原城西晉文公伐原卽此城俗

以濟水重源所發復謂之濟源城高氏攷畧參

以上周山川

魯

南門兩解 中城非廩邱厚邱辨 魯有二郎三防二郭

許國辨 成邑穀梁誤鄭國辨 棠唐一地說 許田非近

氏以齊歸地為汶陽田辨 以費滑費惠公為季氏之費

辨 公羊以咸邱為邾邑以焚為樵辨 既疑齊地辨

乘邱應劭解辨 敗朱于鄆非齊遷紀邑辨 薛非薛國

及田文所居之薛辨 經張杜氏誤駁非魯境辨 盟于

劉當是義文辨 汾泉公羊說辨 紅地漢志注復誤辨

公羊以闕為邾邑辨 公羊自移說辨 魯齊邾之

析有三辨

余讀春秋至隱五年公矢魚於棠非禮也且言遠地也哀十四年西狩獲麟歐陽子曰西狩言遠也嗚呼魯之東西境盡之矣其地平衍無高山大川為之限隔無魚鹽之利為之饒沃故常畏齊附晉其西南則宋鄭衛及邾莒杞鄆諸國地犬牙相錯時吞滅弱小以自附益兼有九國之地極項鄆邾根半魯所取也向須句鄆邾則邾莒滅之

而魯有之者也而邾則空其國都退保嶧山與莒爭鄆無甯日逮晉
文分曹地則有東昌府濮州西南而越旣滅吳與魯泗東方百里地
界稍稍擴矣然終不能抗衡齊晉豈特其君臣孱弱亦其地當走集
以守則不固以攻則不足以取勝也徒以周公之後世爲望國爲晉
楚所重於諸姬最爲後亡豈非周公之明德遠哉

顧棟高魯疆域論

案魯在春秋疆域全有兗州府之曲阜甯陽泗水金鄉魚臺汶上濟
甯州嘉祥八州縣之地後兼涉滕縣鄒縣嶧縣與邾接壤又泰安府
之泰安縣與齊接壤兼有新泰縣萊蕪縣沂州府泊及費縣沂水縣
曹州府之鄆城縣爲魯西鄆鉅野縣爲獲麟處城父縣單縣爲高魚
邑涉范縣界又青州府之安邱諸城二縣與莒接壤又河南陳州府
項城縣爲魯所滅項國地又涉江南之海州跨三省其二十六州縣
孟子曰公侯皆方百里又曰大國地方百里證以周公太公之封皆

子時魯地五倍之以為有王者作必在所削安得有封曲阜方七百

里之說此明堂位之誣也閻若璩四書釋地又續

都曲阜武王封周公于此周公留佐王朝魯公就封定四年傳

也應劭曰因商奄之民命以伯禽而封于少皞之虛杜注曲阜

曲阜縣治○馬宗璉左傳補注曰尚書多方王來自奄鄭注

龜國在淮夷之旁書序成王踐奄遷其君於蒲姑案郡

國志曲阜本商奄之民所居奄本殷諸侯故曰商奄

南門 中城 西郭

邑 郎 棠 中邛 防東防許田 成 向

郕 諸 小穀 卞 郛東郛平陽

棘 費 台 桃 武城 陽州 郕

莒父 霄 漆 啟陽 毗 邾 瑕 闡

地 蔑 潛 唐 楚邛又列入戎地 謹 祝邛

咸邛 折杜注 闕 曲池 趙 奚 蔚

長勺 乘邛 邵 洮 薛 秦 鄆

甯母 升陘 鍼 笙 蜀 貍脰杜注

劉 遇 蚡泉 紅 比蒲 稷祥 昌間

鄆陵 拔 蛇淵

荆防山 龜陰 洙 濟濟西汶汶陽 鄒鄒水

僖二十年春新作南門

成九年冬城中城

定六年冬城中城

襄十九年冬城西郭

哀四年夏城西郭

按今曲阜縣城凡十二門其正南曰稷門莊三十二年傳圍人

犖能投蓋于稷門定五年傳陽虎盟季桓子於稷門之內是也

亦謂之南門高門僖二十年新作南門杜注本名稷門僖公更

高大之故又名高門按定十四年齊人陳女樂文馬於魯城南

高門外

愚按見史記孔子世家及孔子家語

卽此矣南之右曰雩門南城西門也

面臨雩水因名莊十年傳公子偃自雩門竊出犯宋師是也東

之左曰始明門亦曰上東門定八年傳公歛處父帥成人自上

東門入與陽虎戰于南門之內卽此東之右曰鹿門

公羊傳注鹿門魯南

城東

襄二十三年傳臧紇斬鹿門之關出奔邾是也其正西曰

史門公羊傳齊桓公使高子將南陽之甲立僖公而城魯或曰

自鹿門至于爭門或曰自爭門至于吏門吏門卽史門矣正北

曰圭門一日爭門卽公羊所云爭門是也西郭門曰子駒之門

文十一年傳獲長狄僑如埋其首于子駒之門是也東北郭門

曰萊門哀六年傳陽生出萊門是也南之左曰章門北之左曰齊門右曰龍門正東曰建春門西之左曰歸德門右曰麥門其內城曰中城成九年定六年所城國都之內城也杜注謂在東郡廩邱者非是汪氏克寬曰城之者三家張也此條見襄十九年汪氏又曰定公豈能役衆修城蓋陽虎欲去三家將挾公以自固耳高氏閔曰是時公之所有中城而已二條見定六年郭外城也城外有東郭西郭杜注西郭魯西郭參高士奇○汪說見城築門

南門○愚按左氏公羊俱不言是何門穀梁曰南門者法門也范注南面而治法令之所出故謂之法門似指庫雉路之門故劉氏敞王氏葆之說皆因之見僭禮門惟杜注左氏以爲魯城南門

也高氏顧氏之說本此○魯城南面三門隱公元年開一門隱元年傳新作故今南有四門僖公復繕治稷門王應麟玉海卷百南門不書故今南有四門僖公復繕治稷門六十九○按此亦

從杜

孔 ○諸侯三門庫雉路皆南嚮劉氏所謂南非一門是也特

不言此南門當何門以愚揣之其路門爲近陳氏禮書云魯公

周公之故不可以稱臯門應門特爲臯應之制而已其庫雉之

名至春秋時不改

庫門見檀弓雉門見定二年經

惟路門無文蓋卽所謂南門

也

梁履繩補釋○按此亦從穀梁

中城○愚按顧氏都邑表以中城爲魯內城而杜注正譌篇又

並存魯東海邑之說謂先儒云魯城中城因楚伐莒莒潰故懼

而城莒紀鄆邑在海州贛榆縣而魯中城邑在海州沐陽縣二

邑鄰近楚伐莒事又在本年情事想當有之並正杜注廩邱當

作厚邱之譌引後漢志東海郡厚邱縣注左傳城中城杜預云

縣西南有中鄉城爲證說固有據然以魯內城之說爲勝故方

氏苞江氏永並從此說○魯再城中城一城西郭中城以內難

故於城內更作城也城西郭或拓郭之址爲城以居民或變郭之制爲城以備敵也自城其封內踰舊制故書方苞通論○穀梁云城中城者非外民也則是魯城之內城耳蓋城其內城則內城以外之民竟外之故非之范注云譏公不務德政恃城以自固不復能衛其人民是也以爲邑名誤矣江永○厚邛在今海州沐陽縣北六十里魯地當不至此定六年城中城杜注公爲晉侵鄭故懼而城之中城若爲厚邛在今之海州懼晉而城此何爲乎中字應作內字解杜注不確葉西充遺

以上魯都

隱九年夏城郎

桓四年春公狩于郎

桓十年冬齊衛鄭來戰于郎

莊三年冬公次于郎

左作滑

莊八年春師次于郎以俟陳人蔡人

莊十年夏齊師宋師次于郎

莊三十一年春築臺于郎

昭九年冬築郎囿

按隱元年傳費伯帥師城郎杜注魯邑高平方與縣東南有郁郎亭漢王子侯表魯其王之子驕封郁根侯漢方與縣屬山陽郡晉屬高平國今爲兗州府魚臺縣地在今魚臺縣東北九十里蓋魯之邊邑故數受兵

終高土奇顧棟高

○江氏永曰隱元年費伯

已城而九年又城蓋魯有兩郎也費伯城者爲魚臺縣東北之郎去魯遠九年城者蓋魯近郊之邑莊十年齊師宋師次于郎公敗宋師于乘邱則郎近乘邱括地志謂乘邱在瑕邱西北瑕

邳爲兗州府滋陽縣與曲阜近則郎可知矣且哀十一年吳伐

我不言四鄆

外兵近國鄆經止書伐我不言四鄆

傳謂戰于郊而檀弓云戰于郎

則郎豈非近郊之地十年齊衛鄭來戰于郎公羊傳云郎者何

吾近邑也得之矣若魚臺之郎去魯約二百里桓四年狩于郎

公羊云譏遠也當爲魚臺郎昭九年之郎圉則未知遠近

地理考責

隱九年桓四年昭九年條下

○愚按江氏魯有二郎之說甚確惟於昭九年

之郎圉未能定其遠近於莊八年師次于郎未注至以莊三十

年之郎臺爲泉臺則仍公羊之誤

詳見土功門說泉臺顧氏說

故不采○又

按莊三年公次于郎左作滑王氏夫之以爲宜從二傳見鄭地

滑

隱九年趙氏李氏說見土功門○後漢志高平侯國注費伯城

郎在此高平在金鄉鉅野之間地近于宋魯將與宋爲難故城

之

王夫之碑疏○四庫提要云足補杜注之闕

桓四年孔氏趙氏說見蒐狩門

桓十年公羊傳郎者何吾近邑也吾近邑則其言來戡于郎何近乎園也

昭九年家氏趙氏說見宮室門

隱五年春公觀魚于棠

公羊曰濟上之邑也杜注左氏高平方與縣北有武唐亭魯侯

觀魚臺孔疏傳云遠地釋例土地名棠在魯郛下云本宋地蓋

宋魯之界上也士奇按水經注濟水又東過方與縣北爲荷水

荷水東逕重鄉城南左傳所謂臧文仲宿于重館者也

傳三十一年取

濟西曹地

又東逕武唐亭有臺高二丈許下臨水昔魯侯觀魚處戰

國時屬宋名方與方與讀曰房預晉屬高平國唐寶應間改名

魚臺縣取觀魚臺爲名今觀魚臺在縣東北十二里縣屬兗州

府高士奇

○顧氏棟高云棠與唐古通用卽二年公與戎盟之唐

也愚按二年盟唐杜注高平方與縣北有武唐亭與此注同則

顧氏一地之說信也○棠臨濟水蓋臨濟而觀之左作矢陳也

濟雖有魚非可陳而觀者蓋陳其取魚之具而觀其獲也又按

杜注唐棠一地二名古者侯國小而人民聚櫛比置邑故十室

可名邑則地密邇而邑名異無足疑也

王夫之釋疏

○詩居常與許

毛傳常許魯南鄙西鄙按管子桓公曰吾欲南伐何主對曰以

魯爲主反其侵地常潛魯語作棠潛是棠卽常也常在魯南

洪

煇讀書叢錄

隱七年夏城中邱

隱十年春公會齊侯鄭伯于中邱

七年杜注在瑯琊臨沂縣東北水經注沂水自中邳城西而南
逕臨沂城是也臨沂縣後漢屬瑯琊國晉因之卽今沂州治今

沂州府東北有中邳城

高士奇
顯棟高

隱九年冬公會齊侯于防

此防字公羊作邳趙世異文箋防邳古
字通唐韻正邳古音補往反春秋隱八

年鄭來歸防字公羊穀梁竝作邳
九年公會齊侯于防公羊傳作邳

莊二十二年秋及齊高傒盟于防

莊二十九年冬城諸及防

襄十三年冬城防

襄十七年秋高厚帥師伐我北鄙圍防

按魯有三防此漢泰山郡華縣之防所謂東防也隱九年杜注
在瑯琊華縣東南莊二十二年之盟莊二十九年襄十三年之
城皆此邑也爲臧氏食邑故十七年齊高厚圍臧紇于防二十

三年臧紇自邾如防晉屬瑯琊郡其地在今沂州府費縣東北
六十里隱十年所取宋防與成武東南之郛城同在魯西乃昌
邑之防所謂西防也隱十年杜注高平昌邑縣西南有西防城
蓋欲別于臧氏之防故謂之西防昌邑漢縣晉高平國治昌邑
其地在今兗州府金鄉縣西北僖十四年季姬及鄆子過于防
乃魯國之防山也孔子父母合葬于防卽此其地在今曲阜縣
東又青州府安邱縣有防城乃莒邑昭五年莒牟夷以牟婁及
防茲來奔是也

高士奇參王夫之稗疏○按王氏以莊二十九年所城爲西防誤

襄十三年趙氏高氏李氏說見土功門
隱十年夏公敗宋師于菅取郛取防

此西防也見上○魯有二防此取諸宋一近齊卽會處

趙鵬飛經奎

桓元年春鄭伯以璧假許田

隱八年傳鄭伯請釋泰山之祀而祀周公以泰山之祊易許田
杜注云許田近許之田成王營王城有遷都之志故賜周公許
田以爲魯國朝宿之邑後世因立周公別廟焉鄭桓公周宣王
之母弟封鄭有助祭泰山湯沐之邑在祊鄭以天子不能復巡
狩故欲以祊易許田各從本國所近之宜恐魯以周公別廟爲
疑故欲爲魯祀周公孫辭以有求也此年傳注云魯不宜聽鄭
祀澗公又不宜易取祊田故隱其實稱孔疏許田近王城故賜
周公爲朝宿邑魯頌居常與許復周公之宇是周公得許田也
按左氏易田之說辨見土田門 ○諸侯有大功盛德乃有朝宿邑公羊以爲諸
侯皆有朝宿湯沐之邑則周千八百國盡京師之地不足以容
矣孔疏引許慎異義 ○公羊傳許田者何魯朝宿之邑也諸侯時朝乎
天子天子之郊諸侯皆有朝宿之邑焉此邑也其稱田何田多

邑少稱田邑多田少稱邑○假必有歸僖公居常與許復周公之字其許田之歸我歟陳則通提綱○晏子春秋景公伐魯傳許是許復歸魯之證知行○穀梁傳見假田門○公羊說見土地無邑稱田門

公羊曰謂之許者繫之許也非也詩云居常與許復周公之字然則周公受封本有此許邑非孔子作春秋故繫之許也許周公受封之地傳誤謂近許之田又見鄭許鄰國數相侵伐疑鄭欲求近許之田傳會成說爾劉敞權衡○劉光伯云別有許邑邑自名許非由近許國始名為許以規杜氏孔疏駁之案詩傳云常許魯南鄙西鄙疏蓋以許為西鄙當與鄭相近光伯似據此為規說非無据武億羣經義證○邵氏說同見土地稱田門○愚按許田

似非近許國者二劉氏邵氏武氏所疑辨是樂史寰宇記謂在

許昌今許州府境顧氏引之似誤章俊卿考索又引林氏說謂
許有二詩之許周公舊封春秋之許田許國地隱十一年會齊
鄭入許魯有是地而遠魯近鄭鄭之所欲也迨桓立求成於是
脅取之鄭莊卒而許叔入許由是鄭許結怨必欲得其故封至
滅許而後已皆由假田發端說亦附會無據

桓三年夏公會紀侯于成

左穀作成○愚按隱五年書衛師入鄭莊八年書師及齊師圍鄭文十

二年書鄭伯來奔此國名文王子叔武所封也隱五年杜注地在東平剛武縣西南桓六年公會紀侯于成莊三十年師次于成襄十五年齊圍成公救成城成鄆十六年齊圍成昭二十六公圍成定十二年公圍成此魯邑也桓六年杜注地在泰山鉅平縣東南魯邑之成或亦作鄭如桓六年會于成穀作鄭襄十六年齊圍成左作鄭是也惟此年杜氏無注杜氏蓋以三年會鄭為鄭國已於隱五年釋地故不再釋而魯地之成於六年始見故釋於六年也實則此年是魯成邑高氏閔以紀與鄭為二國彙纂從之非也攷穀梁范甯注亦云魯地

此成是魯邑故左氏傳公羊經亦作成

毛奇齡說書刊誤

桓六年夏公會紀侯于成穀梁作邾

左公作成穀誤作邾按邾國在濟北成邑在齊南紀自就魯以謀齊難安敢越齊而西會于濟北哉穀梁傳寫訛爾王夫之

莊三十年夏師次于成左闕師字

襄十五年夏齊侯伐我北鄙圍成公救成至遇季孫宿叔孫豹帥

師城成郛

襄十六年秋齊侯伐我北鄙圍成左作邾

昭二十六年夏公圍成

定十二年冬公圍成公至自圍成

按莊三十年次于成備齊也襄十五年齊圍成公救成於是城成郛十六年齊復圍成後爲孟氏邑昭七年晉來治杞田季孫以成與之後復歸魯二十六年公以齊師圍成弗克定十二年

仲由爲季氏宰將墜成公斂處父謂孟孫墜成齊人必至于北
門且成孟氏之保障也無成是無孟氏也子僞不知我將不墜
於是公圍成勿克哀十五年成叛入齊孟武伯伐成不克遂城
翰以逼成旣而齊歸成禮記檀弓子羔爲成宰史記齊宣公四
十八年田和取魯成邑皆此也觀公斂處父之語成是魯北境
近齊之邑桓六年杜注在泰山鉅平縣東南漢置鉅平縣屬泰
山郡晉因之兗州府甯陽縣東北有故城社卽古成城高士奇
額棟高
○以水經考之甯陽爲魯關邑成之西爲陽關皆在汶南季本
私考
桓六年傳說見齊滅紀○與三年來朝三年會鄆同旨孫復尊
王發敘
莊三十年穀梁傳見書次門

襄十五年李氏說見魯政下逮門○高氏說見內卿並將門黃
氏說見書土功門

昭二十六年汪氏李氏說見闔內邑門

定十二年李氏顧氏說見謹強都之害門

桓十六年冬城向

按高氏攷畧江氏考實蓋莒地而魯暫取之也詳見莒下

莊二十八年冬築郕

公穀作微

公穀皆作微杜注魯下邑按水經注濟水經梁山東又逕微鄉

東京相璠曰東平壽張縣西北有故微鄉王氏曰微子所封國

也地在今兗州府壽張縣東南

參高士奇
顧棟高

○水經注魯邑也杜

預曰有微子冢以此推之所云微子去之者正是去居於此其

宋國地似武庚滅後乃以封之耳死不葬宋地而葬微殆受微

於先王歸首於所受之土乎

姚鼎惜抱
軒筆記

○爾雅水草交曰湄通

谷者微微之爲地下臨濟水蓋澤藪也則微郕互稱有自來矣

春秋築城曰城有堞闌也固則曰築圍塹而已然則微固之築

圍其澤藪而已故穀梁曰虞之非正也於義亦通王夫之碑疏此說別亦

可備一解○陸氏音義云左作郿據杜本也於公穀音義又云左作

麋據賈服本也郿微麋三字同音古多通假儀禮士冠禮眉壽

鄭注古文郿作麋少牢饋食禮眉壽鄭注古文眉作微可證張壽

恭古義

莊二十九年冬城諸及防

文十二年冬季孫行父帥師城諸及鄆

杜注今城陽諸縣地在石屋山東北濰水之南漢置諸縣屬瑯

琊郡晉屬城陽國在今青州府諸城縣治西南高士奇顧棟高○愚按

水經注濰水東北逕諸縣故城西春秋所城處

莊三十二年春城小穀

孫氏復謂此宜從穀梁范注爲魯邑曲阜縣西北有小穀城是也左傳杜注以爲齊邑爲管仲城之非也顯棟○按左氏牽於

齊桓城穀而寘管仲之言見昭十一年傳遂以此年城小穀當之曰爲

管仲也杜注以爲齊邑之在濟北者又以春秋書外邑例當繫之齊而不繫齊解之曰大都以名通者不繫國又注傳文謂公

感齊桓之德故爲管仲城私邑皆附會左氏而誤也考齊地之

穀經傳凡六見皆止稱穀無稱小穀者蓋齊自有穀豈可強以

小穀爲穀耶桓有功于魯在高子來盟之後此時未見有功之

迹安得爲仲城之宜從孫說又杜注正義篇參○此段本趙氏李氏說見土功門○魯地

也若齊地當書城齊小穀如城邾瑕之類郝懿行說畧○按史記漢

高帝以魯公禮葬項王穀城當卽此地杜解以此小穀爲齊邑

濟北穀城縣城中有管仲井劉昭郡國志酈道元水經注皆同

按春秋四書穀而一書小穀別於穀也又昭十一年傳曰齊桓公城穀而寘管仲焉至於今賴之則知春秋四書之穀及管仲所封在濟北穀城而此經之小穀自爲魯邑爾況其時齊桓始霸管仲之功尙未見於天下豈遽勤諸侯以城其私邑哉顧炎武杜解補○按公羊疏云二傳作小穀與左氏異則左氏經本作城正

穀傳又附合申無字之語杜注因亦誤解耳今左氏經傳俱作

小穀乃後人據公穀之文改正

孫志祖讀書勝錄

○愚按高氏地名攷

畧墨守杜注以爲齊邑亦誤並以春秋他處皆書穀而此獨書小穀謂古之名都每有大小二城引水經注臨淄有小城爲證未免穿鑿附會

僖十七年秋夫人姜氏會齊侯于卞

杜注今魯國卞縣按卞古國名路史黃帝元妃西陵氏曰嫫祖

生昌意元囂龍苗龍苗生吾融吾融生卞明封于卞爲卞氏記

曰湯伐有卞春秋時爲魯卞邑或曰卞莊子食邑襄二十九年

傳季武子取卞卽此漢置卞縣在今兗州府泗水縣東

參高士奇顧棟

高○愚按卞爲古國而後代置縣史記有曹亡遷于卞邑之語

杜注襄二十九年傳亦云季武子取下邑以自益則卞乃邑也

顧氏都邑表列之於地似誤○又按水經注泗水出卞縣故城

東南桃墟逕故城南季武子所取也卞縣南有郛城文公城處

文七年春公伐邾取須句遂城郛

杜注卞縣南有郛城城郛備邾難按郛音魚漢於此置郛鄉縣

屬東海郡在今兗州府泗水縣東南

高士奇顧棟高

○水經注見上卞

邑

文十二年冬季孫行父帥師城諸及鄆

公羊作運後同

成九年冬楚公子嬰齊帥師伐莒莒潰楚人入鄆

襄十二年春莒人伐我東鄆圍台季孫宿帥師救台遂入鄆

昭元年春取鄆 秋叔弓帥師疆鄆田

按闕駟十三州志曰魯有東西二鄆西鄆在東平昭公所居東
鄆卽莒魯所爭也季孫城鄆時鄆屬魯後入于莒成九年楚伐
莒入鄆襄十二年莒人圍台季孫宿救台遂入鄆昭元年季孫
宿伐莒取鄆自此鄆又屬魯杜注楚入鄆曰鄆莒別邑或者遂
疑莒別有鄆然號之會莒人以取鄆愬於諸侯楚欲執魯使趙
孟曰莒魯爭鄆爲日久矣可證莒鄆卽魯鄆也

高士奇

○文十二

年杜注鄆莒魯所爭者城陽姑幕縣南有員亭員卽鄆也姑幕

漢縣屬瑯琊郡晉屬城陽國太康後改屬東莞郡其地在今沂

州府沂水縣東北

參高士奇
顧棟高

○愚按漢志姑幕東莞並屬瑯琊

郡東莞注故鄆邑今鄆亭是也或漢爲東莞而首屬姑幕歟○

鄆近費故爲季氏邑漢五行志成公五年大水師古注鄆季氏

邑

張壽恭古義

○案鄆運音同公羊作運假音字員運音相近故杜

注云員卽鄆也

趙坦異文箋

襄十二年季孫宿入鄆卽文十二年季孫行父所城之鄆也蓋

行父城鄆時鄆方屬魯後入於莒是年雖入鄆而未能有之昭

元年季孫宿伐莒取鄆則又屬魯矣

景纂注

昭元年諸說見土田門

成四年冬城鄆

公羊亦作運後同

昭二十五年冬齊侯取鄆

昭二十六年春公至自齊居于鄆 夏公至自會居于鄆

昭二十七年春公至自齊居于鄆 冬公至自齊居于鄆

昭二十九年春公至自乾侯居于鄆 冬鄆潰

定六年冬季孫斯仲孫忌帥師圍鄆

定十年夏齊人來歸鄆謹龜陰田

此西鄆也成四年杜注公欲叛晉故城之以爲備孔疏釋例土地名魯有二鄆杜於文十二年城鄆曰此東鄆也於成十六年傳晉人執季文子公待于鄆曰此西鄆昭公所出居者東郡廩邱縣東有鄆城此爲公欲叛晉而城是西鄆也至昭公孫齊二十五年齊侯圍鄆取以居公二十九年鄆潰定六年季孫斯仲孫忌帥師圍鄆鄆貳於齊故七年傳齊歸鄆與陽關二邑陽虎居之以爲政按鄆潰以下高氏所引有誤今正之八年陽虎入于謹陽關以叛九年伐陽關陽虎奔齊其時虎以謹去鄆與龜陰亦從之皆爲齊所取十年齊始歸之其地漢屬廩邱縣在今山東曹州府鄆城

縣東

杜注孔疏
高頴說參

○愚按水經注甄子河篇瓠河又東逕鄆城南

春秋成十六年公自沙隨還待於鄆京相璠曰今東郡廩丘縣

東八十里有故運城卽此城也此西鄆也又沂水篇沂水又東

南逕東莞縣故城西與小沂水合孟康曰縣故鄆邑左氏傳曰

莒魯爭鄆今城北鄆亭是也京相璠曰琅邪姑幕縣南四十里

員亭故鄆邑此東鄆也

陳氏樹華曰原鄆當作厚鄆
見郡國志及水經注流水下

成四年趙氏戴氏說見土功門

昭二十六年諸說見書居門

定六年圍鄆○高氏說見內邑書圍門

定十年杜注鄆謹龜陰三邑皆汶陽田○史遷據左傳以齊所

歸者爲汶陽田誤也稽之地志鄆田屬原鄆縣經書公居于鄆

是也謹在濟北蛇邱縣經書公會齊侯于謹是也龜陰古梁父

縣詩所謂奄有龜蒙是也此皆魯地若乃汶陽則齊田也成公
藉晉之力取齊汶陽田未幾齊睦于晉晉侯復使韓穿來言汶
陽之田歸之于齊自此田歸齊之後魯不可得也而鄆田之失
自昭公失國齊取此以居之昭二十五年書齊侯取鄆定六年
又書季孫斯帥師圍鄆不得以此田爲汶陽田明矣杜注附和
左氏非是汶雖齊魯之道魯之西北境鄰齊汶上之陽盡屬齊
也閔子騫曰如有復我者則吾必在汶上矣言欲北踰齊也

恩山堂考
索別集

宣八年冬城平陽

杜注泰山有平陽縣漢置東平陽縣屬泰山郡以河東有平陽
縣故加東以別之在今泰安府新泰縣西北按魯有兩平陽此
係東平陽也西平陽在兗州府鄒縣西本邾邑爲魯所取哀二

十七年傳公及越后庸盟于平陽是也杜氏土地名於此云東平陽集解於盟處云西平陽注釋分明高氏攷畧及方輿紀要併爲一誤矣顧棟高大事表參

成三年秋叔孫僑如帥師圍棘

杜注棘汶陽田之邑在濟北蛇邱縣按劉昭曰蛇邱縣有棘鄉

季氏本曰棘今當爲肥城縣地肥城今屬泰安府高士奇顧棟高○路

史魯棘在汶水北水經注汶水又西溝水注之溝水西南流逕

棘亭南引此年圍棘云棘亭南去汶水八十里江永○左傳見

書圍門○公羊棘者何汶陽之不服邑也○張雲璈曰今泰安

縣西南境有棘亭梁履繩補釋

襄七年夏城費

昭十三年春叔弓帥師圍費

定十二年夏季孫斯仲孫何忌帥師墮費

按史記魯世家叙封季友事作鄭司馬貞索隱曰鄭今作費在汶水北尙書費誓卽是其地魯世家作盼誓說文引周禮雍氏注作柴誓尙書大傳作鮮鮮卽盼字之異也書孔傳費魯東郊地名也僖元年傳公賜季友汶陽之田及費遂世爲季氏邑襄七年南遺請城費昭十二年南蒯以費叛十三年叔弓圍之定十二年所墮卽此杜氏無注地在今沂州府費縣治西南七十里○又按隱元年費伯帥師城郕此魯大夫費庠父之食邑讀如字與季氏之費讀曰秘者有別費伯食邑在今魚臺縣西南有費亭非費縣之費也賈逵索隱俱以爲魯懿公子費伯之食邑者非是參高士奇顧棟高○按通志氏族畧以費伯之費亦音秘似誤○費音祕又扶味反觀國按費音祕又音翳二者皆地名也音祕者在東海郡費邑

也音翳者在河南郡費亭也前漢地理志東海郡有費縣注曰
費音祕魯季氏邑也後漢郡國志河南郡有緱氏縣注引左傳
殄滅我費滑杜預曰滑國都於費今緱氏縣也然則春秋閔公
二年莒人歸之及密杜預云費縣者音祕是也莊公十六年盟
幽之滑伯杜云都費者音翳是也陸德明初不稽攷而每存兩
音祕翳二音其地東西異域不可易也

王觀國學林

○今兗州府費

縣西北有故費城是也

蔣廷錫尚書地理今釋

○或問孟子稱費惠公爲

小國之君金仁山注孟子亦引曾子書有費君費子之稱然戰
國並無費國豈季氏子孫強僭遂稱公歟曰不然也季氏子孫
世爲魯卿無出居于費者大夫采邑但收其賦稅而不居其地
故孟孫之成叔孫之邱季孫之費皆他人居之公斂處父居成
侯犯居邱南蒯公山弗狃陽虎居費是也大抵春秋戰國間都

邑之長與有地之君相比有邑宰都君之稱亦猶顓臾郛極各為君臣亦得以公名之費本嚴邑其以都君而擬國君容有然

耳

問若璩四書釋地續毛奇齡經問參

○顧亭林曰春秋時有兩費左傳殄滅我

費滑注滑國都於費在子思時滑國之費亡已久矣疑即季氏

之後而僭稱公者余按滑都於費則此國本不名費亭林無須

引此費惠公孟子稱為小國之君自為季氏亡後而據地自君

者但以為此季氏之後則恐不然斯時三桓之子孫微矣

趙紹祖讀

書偶記

襄七左傳李氏汪氏說見土功門

昭十三年左傳見圍內邑門胡氏說見大夫帥師門

定十二年傳說見謹強都之害門

襄十二年春莒人伐我東鄙圍台季孫宿帥師救台遂入鄆

台穀作鄆

杜注瑯琊費縣南有台亭在今沂州府費縣東南顧棟高○陸德

明音義曰台勅才反又音臺又音翼之反觀國按地名當從一

音而陸德明於台字列三音將何所從也今按前漢地理志琅

邪郡橫縣班固注曰台水所出東南至東武入淮顏師古注曰

台音怡然則春秋書圍台當音怡陸德明音翼之反者是也王觀

國學林○案古人于國名地名不必盡加邑旁後人泥于偏旁遂

多从邑左氏及公羊作台正是古文穀梁作郛或後儒增益趙

異文箋

襄十七年秋齊侯伐我北鄙圍桃公作桃

杜注魯邑卞縣東南有桃墟在今兗州府泗水縣東南昭七年

晉人來治杞田季孫以成與之而遷孟氏之邑於桃卽此顧棟高

○按齊侯伐魯北鄙圍桃則桃亦當在魯北卞縣今泗水縣在

魯東非北鄙水經云汶水西南逕桃鄉縣故城西城在今汶上

縣東北四十里汶上正當魯之北鄙此桃當是桃鄉非卞縣之

桃虛

江永

○公作洮桃洮音近假音字也穀梁莊二十七年會洮

釋文云本或作桃

趙坦異文箋

襄十九年冬城武城

杜注泰山南武城縣按昭二十三年傳邾人城翼還自離姑武

城人塞其前哀八年傳吳伐我子洩率故道險從武城杜注子

洩魯人故由險道欲魯成備也論語子游爲武城宰又云子之

武城孟子曾子居武城有越寇皆此也後亦謂之南城史記田

敬仲世家齊威王謂魏惠王吾臣有檀子者使守南城楚人不

敢爲寇是也漢置南城縣屬東海郡後漢改屬泰山郡晉因之

通典費縣有古武城在今沂州府費縣西南

參高士奇顧棟高

○武城

有澹臺子羽家

杜預釋例

昭二十五年秋公孫于齊次于陽州

陽公作揚亦作揚

杜注齊魯境上邑公未敢直前故次于竟按襄三十一年傳齊

閭邲嬰伐陽州卽此至定公八年侵齊門于陽州是時陽州當

爲齊有矣地在今泰安府東平州西北

參高士奇顧棟高

○公羊作揚

州假音字

趙坦異文箋

○孫氏說見公奔書次門

定十年

夏秋

叔孫州仇仲孫何忌帥師圍邲

定十二年夏叔孫州仇帥師墮邲

叔孫氏邑也定十年侯犯以邲叛叔孫武叔兩圍之十二年仲

由爲季氏宰將墮三都而叔孫氏墮邲按照二十五年傳臧會

奔邲杜注邲在東平無鹽縣東南漢無鹽縣屬東平國晉因之

在今泰安府東平州東南

高士奇顧棟高

○愚按水經注汶水西南至

無鹽縣之郕鄉城南郕昭伯之故邑也

定十年左傳見書圍門

定十二年趙氏說見謹強都之害門

定十四年城莒父及霄

杜注公叛晉助范氏故懼而城二邑按莒父今爲沂州府莒州地霄亦在今莒州境吳氏曰莒係以父魯人語音如梁父亢父

剛父單父猶吳之有胥邾之有婁是也子夏爲莒父宰卽此

高士

奇願棟高○是時荀寅士吉射據朝歌晉人圍之魯謀救之朝歌在

魯正西將八百里則莒父屬魯之西鄙

問若璩四書釋地

定十五年冬城漆

杜注邾庶其邑按襄二十一年庶其以漆闕邛來奔杜注南平

陽縣東北有漆鄉在今兗州府鄒縣北

高士奇
顧棟高

哀三年夏季孫斯叔孫州仇帥師城啟陽 公作開陽

杜注今琅琊開陽縣按水經注開陽在祊之東南沂水經其城

東故鄆國也昭十八年邾人入郕後屬魯漢置啟陽縣屬東海

郡後以景帝諱改開陽晉屬瑯琊國在今沂州府治北 高士奇

趙氏李氏說見土功門○公羊作開陽此漢儒避諱未改復

者 毛奇齡簡

哀五年春城毗 公作比又作莠作庇

杜注闕按竹書紀年殷祖乙居庇南庚更自庇遷奄奄魯奄也

蔡高士奇○按毗古祇作比故公羊作比後世假用毗字又訛作毗

耳莠庇亦假音字 趙但異

哀六年春城邾瑕 公作邾婁葭

杜注任城亢父縣北有邾婁城按劉昭後漢書任城國亢父注

引此年杜注作邾瑕地在今兗州府濟甯州南高士奇顧棟高○按

定十三年次垂葭公羊作垂瑕此邾瑕又作葭皆音近假音

互用也趙坦異文箋○汪氏高氏趙氏說見士功門

哀八年夏齊人取謹及闡 冬齊人歸謹及闡闡公作俾

杜注闡在東平剛縣北按應劭曰剛城故闡邑也戰國時爲齊

之剛邑秦昭王三十六年取齊剛壽卽此漢置剛縣屬泰山郡

後漢屬濟東國晉曰剛平屬東平國縣北有闡鄉城水經注汶

水西南逕剛縣北汶水上承汶水於剛縣西闡亭東爾雅曰汶

別爲闡是也故剛城在今兗州府甯陽縣東北高士奇顧棟高○杜注

闡在東平剛縣北而杜氏土地名云東平剛平縣北闡鄉城晉

志作剛平蓋杜氏於晉初修成例解地名始改故自異耳史記

齊世家索隱呂祖謙春秋集解引杜注作剛縣水經汶水注引

釋地作剛縣皆無平字梁履繩○謹漢志及說文並引作邾阮

左傳校○閭公羊作倕假音字也趙坦異○字林作暉陸德明公

以上魯邑

隱元年春公及邾儀父盟于蔑公穀作昧

杜注魯地卽始蔑魯國卞縣南有姑城按定公十二年傳敗費

人于姑蔑卽此漢屬卞縣在今兗州府泗水縣東北高士奇○

左氏作蔑公羊作昧穀梁作昧然字書蔑莫結切而昧昧二字

音昧又音秣不與蔑同音也陸德明以昧昧二字皆音蔑無所

據後漢郡國志魯國卞縣注引春秋盟蔑然則當用蔑字王觀

林○文七年晉先蔑二傳亦作昧沈炳震辨○公穀作昧聲轉

之誤毛奇齡簡○蔑汲郡古文作姑蔑惠氏補注謂公名息姑

史官爲之諱未敢從也陳樹華集

隱二年春公會戎于潛

杜注魯地按戎在今曹州府曹縣潛地蓋近戎當在今兗州府

西南境

顧棟高

○按管子小匡篇桓公曰吾欲南伐何主管仲對

曰以魯為主反其侵地常潛常潛二地常為詩居常與許之常

潛即此潛

焦循春秋左傳補註

○陸淳三傳經文差繆畧云公羊別本作

岑亦聲近也

趙坦異文箋附錄

隱二年秋公及戎盟于唐

桓二年秋公及戎盟于唐

杜注魯地高平方與縣北有武唐亭在今兗州府魚臺縣東

高

奇顧棟高

○愚按顧氏謂即隱五年之棠是也見棠下

隱七年冬天王使凡伯來聘戎伐凡伯于楚邱以歸

僖二年春城楚邱

舊說以爲衛楚丘考之衛楚丘自在河北周在河南是時河未南徙魯亦在其南也自魯至周不宜由衛左傳魯有卜者曰楚丘之父蓋以地爲氏者則魯亦必有楚丘卽杜氏所云在成武者是也

朱朝瑛畧記

○楚丘蓋魯地也觀僖二年城楚丘與書城中

邱城卽城小穀之類同蓋楚丘魯地魯自城之以備戎諸侯無與也竹書晉幽公二年魯季孫會幽公子楚丘卽此故程氏或問曰戎伐凡伯于楚丘正義何以無責衛之詞張氏以爲非衛之楚丘不得責衛也

徐文靖管城碩記

○黃氏說見衛楚丘下○愚按

戎伐凡伯處諸家辨杜注衛地之誤辨凡伯自周至魯所經之道斷爲戎地其說可從而援魯地爲證者亦確有依據今魯戎兩門並存以俟考若城楚丘一事齊桓存衛大績不應不見於春秋自當斷爲衛地但諸家据內城書法以爲魯地者亦甚核

故亦同列並存焉

桓三年秋齊侯送姜氏子謹公會齊侯于謹

定十年夏齊人來歸鄆謹龜陰田

哀八年夏齊人取謹及闕 冬齊人歸謹及闕

桓三年杜注魯地濟北蛇邱縣西有下謹亭按陽虎入謹陽關

以叛卽此亦作謹路史濟之乘邱有謹亭蛇邱漢屬泰山郡

愚按

顏師古注蛇音移蛇邱縣鄉故隧國卽齊所滅之遂也

後漢屬濟北國在今濟南府肥城

縣西南

高士奇顯棟高

○愚按水經注作下謹云俗謂之夏暉城汶水

又西蛇水注之蛇水流逕汶陽之田西南逕鑄城卽蛇淵圃又

西南逕夏暉城春秋公會齊侯于下謹是也汶水又西溝水注

之又西南逕遂城又西逕下謹城西而入汶水○又按說文鄆

魯下邑引定十年經漢志亦作鄆○定十年章氏說見上鄆邑

桓五年夏城祝耶

莊四年春夫人姜氏享齊侯于祝耶

杜注魯地按漢志東海郡卽耶縣孟康曰卽祝耶也此是齊魯

兩境上之邑在今沂州府東南路史祝耶祝融氏之後參高士奇

高○司馬彪郡國志琅邪卽耶春秋時曰祝耶馬宗鑑左傳補注

桓五年高氏說見土功門

莊四年葉氏說見書夫人會門

桓七年春焚咸耶

杜注魯地高平鉅野縣南有咸亭按鉅野晉屬高平國水經注

黃水逕鉅野縣北又東逕咸亭北卷八地在今曹州府鉅野縣南

高士奇○咸耶乃魯地近齊者故孟子以咸耶蒙爲齊東野人

高問集注○杜氏謂鉅野縣南有咸亭則咸丘與大野相隣大抵火

田之際從禽無厭延及咸邱故書以譏之

朱朝瑛
畧記

○公羊曰咸

邱邾婁之邑也其君在焉故不繫國焚之者樵之也穀梁曰其不言邾咸邱疾其以火攻也皆非也公羊於內取邑不繫國者悉歸之邾婁因於此條亦以爲邾邑按邾人執鄆子用之蔡人衛人伐戴鄭伯伐取之若此不仁之甚者春秋明書之若火攻人君則應書曰伐咸邱焚之與伐戴之文相符矣今但曰焚咸邱豈非火田乎

劉敞權衡叅

○公穀以爲邾邑夫春秋書地未有不

繫其國者宋彭城是也故雖在楚必繫之宋豈有邾邑而不書

邾咸邱邾不書邾後世安知其爲邾邑也

趙鵬飛
經筵

桓十一年秋柔會宋公陳侯蔡叔盟于折

杜注地闕孫氏復曰魯地○地理志瑯琊折泉折泉水北至箕入濰水經注濰水東北逕箕縣故城又西折泉水注之水出折

泉縣北松山東南流逕折泉縣東又東南逕仲固山東北流入

于灘

徐卓經義未詳說○按徐文靖管城碩記引漢志水經同

桓十一年冬公會宋公于闕

昭三十二年春公在乾侯取闕

杜注魯地在東平須昌縣東南按定元年傳季孫使役如闕杜

氏云闕魯先公墓所在也自隱桓以下皆葬此今兗州府汶上

縣西南有南旺湖湖中有闕亭有高阜六七卽魯先公葬處南

旺湖卽古鉅野大澤周百餘里水經注洪水上承鉅野薛訓渚

厯澤西北又北徑闕鄉城西卷八是也高土奇○漢志東平陸六國

時曰平陸有闕亭

馬宗璉春秋左傳補注

昭三十二年孔氏家氏說見取內邑門○左氏記公欲伐季氏

叔孫婼如闕及公在陽州婼自闕歸則闕爲叔孫氏別邑也此

文繼公在乾侯之下蓋自公孫陽州凡魯境皆迫于季氏而叛
公故郵待齊取而後得圍成而弗能克未幾郵復潰而無所歸
久留于乾侯至是叔孫婼死矣僅能得闕未及反而薨葉夢得春秋攷
○公羊以爲邾邑按公穀凡邑不繫國者悉付之邾甚可笑程

疑學辨

桓十二年夏公會紀侯莒子盟于曲池公作毆蛇

杜注魯地魯國汶陽縣北有曲水亭按水經注汶水逕汶陽縣
北縣北有曲水亭在今曲阜縣東北顧棟高江永○公作毆蛇假音

字釋文毆耶子反蛇音移又音池

趙坦異文箋

○毆當作毆曲毆同

部音通池當作沱沱從它聲與蛇通

張壽恭古義

桓十七年春公會邾儀父盟于越

杜注魯地當在今兗州府泗水鄒縣之間

顧棟高

桓十七年夏及齊師戰于奚穀作郎

杜注魯地今兗州府滕縣南奚公山下有奚邑水經注夏車正

奚仲之國也高 顧棟○愚按水經注泲水逕薛縣故城北夏車正

奚仲之國也泲水又西逕仲虺城奚仲遷于邳仲虺居之以爲

湯左相應劭曰邳在薛晉書地道記曰仲虺城在薛城西三十

里○說文郎讀若奚凡說文讀若之字皆可通假郎从自从邑

隸寫與郎相似穀梁蓋假郎爲奚後人多識郎少識郎故誤郎

爲郎耳張壽恭 古義

莊九年春公及齊大夫盟于莒公羊作暨

杜注魯地瑯琊縣北有莒亭按在今兗州府嶧縣東繪郎郎

國高士奇 顧棟高○公作暨通假字趙坦異 文箋○莒亭漢郡國志作概亭

字同洪亮吉 春秋左傳註○齊大夫來魯地盟謀奉子糾也徐庭垣 管窺○郎

在嶧東莒在其北去齊遠亦非魯適齊之道當從孫氏復爲齊

地季本考 ○愚按考輿圖季說誠然疑杜注誤○張說見書納門

納糾

莊十年春公敗齊師于長勺

杜注魯地按成王以商民六族錫魯公有長勺氏尾勺氏此蓋

商民所居高士奇顧棟高 ○羅氏路史指爲宋之洧陵城後隸魯按宋

之洧陵見成十二年在今歸德府高氏以爲商民所居甚是特

未詳其處梁履繩補釋

又 夏公敗宋師于乘邱

杜注魯地按漢志泰山郡有乘邱縣顏師古曰卽春秋乘邱括

地志乘邱在瑕邱縣西北三十五里今兗州府有古瑕邱城曲

阜在兗東三十里以是計之乘邱去魯都不及百里公子偃自

零門竊出敗宋師必寇在門庭故能出不意薄之顏注漢志是也應劭又於漢濟陰郡乘氏縣謂卽乘邳則地屬今曹州府相去三百里與傳事不合漢志本分乘邳乘氏爲二應氏誤高士奇莊十一年夏公敗宋師于鄆

杜注魯地按當在今兗州府境與元年齊遷紀邑之鄆爲二地

顧棟高

○熊氏過謂齊主兵以爲齊所遷紀邑非也說文以鄆爲

宋魯閒地得之亦猶堂阜屬魯而實齊魯境上之地爾

梁履繩補釋

莊二十七年春公會杞伯姬于洮

僖二十五年冬公會衛子莒慶盟于洮

莊二十七年杜注魯地此與僖八年盟洮曹地不同僖三十一年傳取濟西田分曹地自洮以南是曹地亦有洮之名在今曹州府濮州西南有洮城亦曰姚城因姚墟而得名也按杞國都

澹于莊公會杞伯姬安得至濮州會之杜於昭七年季孫與謝
息桃注云魯國卞縣東南有桃墟蓋桃卽洮也卞縣今爲兗州
府泗水縣泗水在曲阜東北姬自杞來故會之

江氏地理
考實參

僖二十五年杜注魯地孔疏八年盟洮杜云曹地三十一年魯
始得曹田此時不得爲魯地注誤耳今按疏說非也傳云衛人
平莒於我且及莒平則此洮爲魯之內地東近莒卽莊二十七
年公會杞伯姬之處也地當爲卞縣桃墟在泗水縣

江承

莊三十一年夏築臺于薛

杜注魯地葉繁今兗州府滕縣東南有薛城按薛國在滕縣南
魯豈築臺於其國蓋魯地別有名薛者耳

江永○鄭道元引此謂

薛城南十里有臺戰國時孟嘗君更築之按此乃田文所居之
薛非魯之薛地也

程廷祚地
名辨異

○三築臺朱氏姚氏說見土功門

莊三十一年秋築臺于秦

杜注東平范縣西北有秦亭按在今曹州府范縣南顧棟高○愚

按水經注河水又東逕鄆城縣北又東北逕范縣之秦亭西又

云瓠河與將渠合渠受河于范縣西北東南逕秦亭南即此

僖元年冬公子友帥師敗莒師于鄆公作犁穀作麗

杜注魯地○古鄆字省作麗故穀作麗麗犁音同公作犁假音

字也趙坦異文箋

僖七年秋盟于甯母甯穀作寧

杜注魯地高平方與縣東有泥母亭音如甯按今兗州府魚臺

縣東有穀亭鎮即春秋時甯母亭水經注謂之穀庭城高士奇

按水經注洛水東過方與縣北○愚又為荷水荷水又東逕泥母亭北○泥甯音轉之誤毛奇齡簡書刊誤

僖二十二年秋及邾人戰于升陘

杜注魯地○釋文升作登王篇陘作鄧引此云鄉名在高密阮元

左疏校勘記

文十一年冬叔孫得臣敗狄于鹹

杜注魯地按後漢志濮陽縣春秋時有鹹城濮水之北當在今

曹州府曹縣境顧棟高

宣十八年冬歸父還自晉至笙遂奔齊笙公穀作檉

杜注笙魯境也○公穀作檉假音字趙坦異文箋

成二年冬公會楚公子嬰齊于蜀 公及楚人等盟于蜀

杜注魯地博縣西北有蜀亭按今兗州府汶上縣西南有蜀山

其下有蜀山湖為泰安府接境顧棟高

成十七年冬公孫嬰齊卒于貍脤貍公作軫穀作蜃

杜注地闕舊說魯地杜氏駁之曰傳稱庚午圍鄭還自鄭王申

至于鯉脤由庚午至壬申纔二日未得及魯境也又大夫卒其
境內不書益明非魯地矣穀梁傳云十一月無壬申乃十月也
致公而後錄臣子之義也其地未踰竟也解者謂嬰齊以十月
壬申日卒公以十一月還先致公而後錄其卒故移壬申在十
一月之下是先君後臣之義陸氏駁之曰先言嬰齊卒後言公
至皆據實事何傷教乎劉氏駁之曰追錄其卒亦宜追錄在致
公之前不宜移其日子公至之後諸家蓋不知經文有錯簡也
經蓋于冬公會伐鄭之下卽書壬申公孫嬰齊卒于鯉脤蓋嬰
齊先從伐鄭還至中途而卒壬申爲十月十六日下方書十有
一月公至自伐鄭則月日無誤矣至鯉脤之地穀梁范注孫氏
俞氏皆云魯地顧氏謂在曲阜縣西曲阜亦魯地竊意未踰境
一語可證鯉脤在魯無疑

徐卓經義
未詳說

○脤軫蜃音並近公穀皆

假音字

趙坦異
文箋

襄十五年春及向戌盟于劉

釋例地闕蓋魯城外之近地

孔疏

○愚按高氏地名攷畧引杜注

云宋地杜無此注蓋因下文劉夏杜注劉采地采宋字似傳注文接而誤耳○高氏以于劉二字爲衍文顧氏從之見闕文門

○杜注云河南緱氏縣西北有劉亭與魯都相距甚遠斷無出國都而盟于王畿之理况晉衛來聘荀庚孫良夫皆在國都盟何獨至向戌而必盟于劉先儒以爲悅宋以爲仇禮故出國都盟其說無據孔鄭諸氏皆云魯地亦以公盟之處意其必爲魯地非有確指也高抑崇趙本訥皆疑以經文下有劉夏字而誤然則于劉者何羨文也

徐卓經義
未詳說

襄十五年夏公救成至遇

杜注遇魯地

昭五年秋叔弓帥師敗莒師于蚡泉蚡公作潰穀作賁

杜注魯地○公羊非也此地名爾豈謂戰而泉湧乎戰而泉湧固當舉戰地於上而後書曰有潰泉不得引潰泉以爲戰地也

劉敞權衡

○左作蚡泉穀作賁泉文雖異其爲魯地一也公羊謂之

潰泉而曰潰泉直泉也直泉者涌泉也既不可通何休乃云戰而涌出爲異象公在晉臣下專受莒叛以興兵民怒氣逆之致按經言敗莒于蚡泉與敗莒于鄆敗邾于偃何以異且泉之涌出何關于戰

王介之西傳質

○按爾雅漢大出尾下郭璞注曰今河東

汾縣有水如車輪許潰沸湧出其深無限名之爲漢廣雅潰泉

直泉也直泉湧泉也潰漢蚡皆古字通用沸聲之轉

洪亮吉春秋詁

公穀作潰賁並假音字蚡潰賁音皆近

趙坦異文箋

昭八年秋蒐于紅

杜注魯地沛國蕭縣西有紅亭遠疑按沛國蕭縣之紅亭見後漢志劉昭注蕭爲宋地蕭叔所封傳云自根牟至于商衛革車千乘商卽宋地豈魯蒐于近宋之鄙而遠及于蕭歟杜氏固以遠爲疑矣劉昭又云泰山奉高縣亦有紅亭在縣西北卽魯蒐處較爲稍近

參高士奇
顯棟高

○劉昭於奉高蕭縣兩地皆以爲昭公

蒐地奉高屬泰山郡本魯地紅應在是沛國去魯太遠杜預亦疑其非劉昭因晉書地道記而誤

馬宗璣春秋
左傳補注

○史記索隱以

紅爲虹縣則仍元凱善長之謬然杜固以遠疑之矣而水經獲水注實指沛之虹縣爲魯蒐之紅地爲劉富封國檢郡國志泰山郡奉高縣注曰左傳大蒐于紅紅亭在縣西北則春秋所書當在奉高而劉富所封當在沛郡虹縣酈誤合爲一但劉昭亦

不能無誤奉高之紅亭引蒐紅以證之是也而沛之虹縣復據

地道記引左傳以注之豈非岐頭別論乎梁玉繩史記志疑○杜注誤

蓋沛國之紅亭水經註以爲卽地理志之虹縣王莽改名曰貢

師古曰虹亦音貢音義並異此傳釋文云紅日東反則陸氏德

明亦不以爲沛國之紅也顧說得之今泰安縣東北十七里有

奉高廢縣其西南有紅亭左氏云自根牟至于商衡蓋與宋衡

接壤也徐卓經義未詳說○沛郡虹前志作咄音貢劉注非惠棟後漢書補注

昭十一年夏大蒐于比蒲

定十三年夏大蒐于比蒲

定十四年秋大蒐于比蒲

杜注無○地譜云魯南鄙地○非常所也程端學本義

昭十一年夏仲孫貜會邾子盟于祊祥公作侵羊

杜注闕當在今兗州府嶧陽縣境高士奇○左傳泉邶人有女

夢以其帷幕孟氏之廟遂奔僖子盟于清邶之社又反自祲祥

杜註泉邶魯邑則祲祥亦屬魯地無疑公羊傳作侵羊侵祲通

音假借羊祥通漢器多以羊爲祥徐卓經義未詳說

昭二十二年春大蒐于昌間間公作姦

杜注無○啖氏云昌間魯地高士奇○紅比蒲昌間皆非蒐田常

所汪克寬纂疏○按括地志昌平山在泗水縣南有昌平鄉故山以

爲名然則昌間共在泗水縣歟江永○間公作姦假音字趙坦異文箋

昭二十六年秋五國盟于鄆陵鄆公作剽亦作鄆

杜注闕按鄆陵其卽成六年魯所取之鄆乎當爲魯之東鄙地

近鄆江永○趙氏曰鄆陵卽鄆故墟魯前取鄆此故墟也故曰鄆

陵與邢邶之義同俞臯○鄆陵卽鄆爲魯附庸國俞氏說是公

羊是年經書盟于鄆可証

徐卓經義未詳說

定三年冬仲孫何忌及邾子盟于拔公作拔

杜注闕左氏作邾盟于邾修邾好也杜云邾卽拔也或曰在今

兗州府嶧陽縣境

高士奇

○按傳言盟于邾似是今沂州府邾城

縣之地

山永

○公羊作枝以形似而譌也

趙坦異文箋

定十三年夏築蛇淵圃

杜注無○按水經注蛇水出剛縣東北泰山西南流逕汶陽之

田又西南逕鑄城西卽左傳所謂蛇淵圃也京相璠曰濟北有

蛇邱城城下有水魯圃也俗謂之渴須水漢蛇邱縣屬泰山郡

蛇讀移後漢晉屬濟北圃地在今濟南府肥城縣南

參高士奇及彙纂注

以上魯地

僖十四年夏季姬及鄆子遇于防

防山也

杜無注○高氏攷畧見前防邑下○防山在今兗州府曲阜縣

東孔子父母合葬于防卽此

顧棟高山川表

定十年夏齊人來歸鄆謹龜陰田

龜山名

杜注泰山博縣北有龜山陰者田在其北也按詩云奄有龜蒙卽此龜山又孔子去魯作龜山之操在今新泰縣西南峰巒層疊爲魯境之望

高士奇

○晉博縣今之泰安州州境無龜山今龜

山在新泰縣之西南泗水縣之東北蓋與泰安州相接也

桑

鄆卽昭公時齊取以歸公者至是并以還魯二邑與龜陰俱在

汶水北龜山今在泗水東北七十里

程端學本義引任氏

○按水經注北

汶水合泰山天門下溪水自溪而東澹波注壑東南流逕龜陰

之田在龜山北昔夫子傷政道之陵遲望山而懷操者也○龜

山山東泰安府新泰縣西南四十里山之南卽泗水縣界詩奄

有龜蒙謂此龜山也山之北即龜陰田

顧祖禹讀史方輿紀要

○謹屬漢

蛇邱當在汶上縣之北三邑皆夾汶水

王夫之

○章氏說見上

鄆邑○鄆濟西田也此田昭二十五年為齊所取謹汶陽田也

此田成八年魯歸于齊龜陰龜山之陰龜山在今兗州府泗水

縣東北漢為博縣北其北為嬴縣地所謂嬴博之間也汶水自

泰安州萊蕪縣西南出焉龜陰田為齊得不見於經疆場互爭

不以國事錄耳今兩國修睦三田亦中分其地蓋濟西之田鄆

范之界也汶陽之田謹棘之界也龜陰之田嬴博之界也鄆謹

博之近魯者則以來歸而范棘嬴之近齊者則為齊有田分而

爭息矣又按鄆在魯西謹在魯西北龜陰在魯東北相去頗遠

而左氏俱以為汶陽田非也

季本私考

○賈氏以鄆謹為二邑邑內

人民多故舉邑名龜陰言田西龜是山名直得田而不得邑

公羊

疏按此解別

莊九年冬浚洙

杜注洙水在魯城北下合泗浚深之為齊備按水經注洙水出泰山蓋縣臨樂山逕蓋縣又西逕泰山東平陽縣春秋宣八年城平陽是也西南流至卞縣西南入泗水又亂流西南至魯縣東北分為二流北為洙濱南即泗水孔子設教於洙泗之間闕里是也今洙水不復與泗通而入于沂其故道不可考高士奇泰公羊傳張氏汪氏說見土功門

莊十八年夏公追戎于濟西

僖三十一年春取濟西田

宣元年夏齊人取濟西田 十年春齊人歸我濟西田

莊三十年冬公及齊侯遇于魯濟

莊十八年杜注濟西濟水之西僖三十一年左傳取濟西田分曹地也公羊傳惡乎取之取之曹也晉侯執曹伯班其所取侵地于諸侯杜云二十八年晉文討曹分其地至是乃以賜諸侯左傳分曹地自洸以南東傳於濟杜云濟水自滎陽東過魯之西至樂安入海宣元年杜云齊所取卽故曹地晉文以分魯者也莊三十年杜注濟水厯齊魯界在齊界爲齊濟在魯界爲魯濟又按水經注濟水出河東垣縣王屋山至鞏縣截河而南爲滎澤過宛句定陶西東流濟陰乘氏縣西分爲二瀆其南瀆爲河水東南流至山陽湖陸縣與泗水合而入淮其東北流入鉅野澤又東北過東郡壽良縣西界北逕須昌穀城又東北逕廬縣華不注山臺縣菅縣梁鄒臨濟樂安而入于海杜氏所謂厯齊魯界者卽東北分流一支其在鉅野壽良須昌則穿曹魯之

境謂之魯濟其在穀城以下則齊濟衛之境所謂齊濟也鉅野
今亦爲縣壽良卽今壽張須昌在今東平州穀城在今東阿縣
此齊魯分界也禹貢濟水東出于陶邱北曹都陶邱在濟水南
夾于魯衛之間曹在衛東魯更在曹東故在曹則曰東傳于濟
而杜注則曰濟水過魯之西也曹魯分境之濟在鉅野壽良須
昌之間今曹州府爲古曹國與魯之東鄆鉅野相接所爭濟西
田蓋在此追戎濟西卽已氏之戎在今曹縣境者隱元年會潛
七年伐凡伯皆此戎也襄十八年晉伐齊沈玉濟河會于魯濟
此卽東平之魯濟也國語齊桓公反魯衛燕地南至于陶陰西
至於濟北至於河定八年齊與衛地自濟以西旌杏以南書社
三百此則齊衛分境之齊濟也漢以前濟水經流之跡若此其
後故跡屢變不可復考

高士奇叅攷
氏山川表

○水經注濟水故瀆北合

洪水濟自是北注春秋追戎濟西京相璠曰濟水自鉅野至濟北是也江氏按濟水自梁山東又北經須朐城西又北經微鄉東又北經須昌縣西其地皆在今東平州魯地也是所謂魯濟自東阿又北則爲穀城齊地矣

江永

○禹貢濟自陶邱之北又東

至于荷又東北會于汶曹在汶南濟東據魯而言是濟西是曹

地在濟北也

詩曹譜正義

○按水經注濟水北逕微亭東又逕清亭

東又過穀城縣西魯濟蓋在微鄉清亭之間微卽郿與清皆見

經過穀城則爲齊濟

馬宗蓮左傳補注

○濟西田卽今鄆范二縣之地

蓋齊魯所互爭僖三十一年魯旣取之而宣二年又爲齊取者

今齊與魯厚中分與魯范近齊則齊有之鄆近魯則以歸魯其

分屬於魯者謂之我濟西田齊氏履謙曰我者對彼之稱濟西

魯非盡有是也

季本私考

○濟河在汶上北云卽大清河蔡九峰謂

今厯下凡發地皆是流水世謂濟水經流其下故今以趵突當之趵突又引入小清河則大清河乃故道也

王士性廣志釋

成二年秋取汶陽田

成八年春晉侯使韓穿來言汶陽之田歸之于齊

按僖元年傳公賜季友汶陽之田杜注汶陽田汶水北地也汶水出泰山萊蕪縣西入濟考汶北之地故多屬魯而侵於齊公羊盟柯傳載曹子手劍請汶陽田之事呂氏春秋亦紀其事云封于汶南與之盟由是言之魯之封境固在汶北甚遠齊之侵奪且嘗踰汶而南不特汶陽也僖公賜季友者蓋新反之田當亦無幾也成元年齊敗于鞏迫于晉命而歸魯汶陽田八年晉復使魯歸之于齊魯終不能有也至定十年公會齊侯于夾谷而齊人來歸鄆謹龜陰田杜注三邑皆汶陽田

杜氏微謨蓋魯辨見前

始得有汶陽矣然魯地在汶北猶多如成如龍如桃及平陽萊
柞謹聞蛇淵園皆齊人所爭而不得者也高士奇○江氏按水

經注蛇水出岡縣東北泰山西流逕汶陽之田齊所侵也自汶

之北平暢極目見水經汶水篇又按元和志汶陽故城在龔邱縣東北

其城側土田沃饒魯田在焉龔邱今甯陽也縣本魯闕邑地理攷實

○汶水過剛縣北剛爲今甯陽卽魯闕邑水北爲漢蛇邱縣卽

蛇淵園本鑄國又西南逕下謹城南卽齊侯送姜氏處謹北爲

棘橋如所圖邑也棘與齊連界謹棘皆汶陽之田也季本地考

襄十九年春取邾田自漑水

哀二年春伐邾取漑東田及沂西田沂見邾地條下

杜注漑水出東海合邾縣西經魯國至高平湖陸縣入泗按水

經注水出合邾縣西南流入邾逕魯國鄒山又西南逕蕃縣故

城南又西逕薛縣故城北又西逕仲虺城北又西逕湖陸縣入泗卽杜氏所云也合鄉漢縣屬東海郡晉因之今嶧縣有合鄉故城湖陸卽湖陵在今兗州府魚臺縣高士奇

襄十九年傳諸侯還自沂上盟于督揚遂次泗上疆我田取邾田自漵水歸之於我杜注取邾田以漵水爲界孔疏邾在漵南田在漵北以漵水爲界取邾漵北田歸於魯十六年傳命歸侵田則此田舊是魯界爲邾所取今仍歸魯耳公羊曰其言自漵水何以漵爲竟也何言乎以漵爲竟漵移也其意言邾魯以漵水爲境漵水移入邾界魯隨而有之刺魯之貪非也○愚按孔疏以爲魯返舊田駁公羊說劉氏敞亦駁公羊漵自移之說而謂取非所當取蘇氏轍高氏閔張氏洽汪氏克寬並同劉說哀二年取沂西田此小沂水也出太山武陽之冠石山爲邾之

沂在今兗州府費縣其出曲阜尼邱山西北經魯雩門者爲魯城南之沂曾點浴沂昭二十五年季孫請待于沂上是也其出沂州府沂水縣西北沂山者爲齊之沂

此沂或云出臨樂山或云出艾山皆沂山支阜

之別

禹貢淮沂其乂襄十八年晉師侵及沂是也

顧氏山名 ○愚

按昭二十五年傳季孫請待于沂上以察罪杜注魯城南自有沂水大沂水出蓋縣南至下邳入泗孔疏沂水有二襄十八年同圍齊傳東侵及濰南及沂是出東莞蓋縣之沂也此沂上之沂則出魯國魯縣西南入泗水杜氏以其有二故辨明之而據顧氏所考實則有三高氏地名攷畧於昭二十五年沂上云在今曲阜縣南二里雩門源出尼山西流經此論語所云浴乎沂風乎舞雩者也雩門卽魯南城之西門也又西入嶧陽縣境合於泗水顧氏山川表齊沂水下引曾氏曰水以沂名者非一出

太山武陽之冠石山者亦曰沂水俗呼小沂水合觀諸說齊魯
郊之沂各別昭二十五年注疏及高氏攷畧所言皆齊魯之沂
此年沂西杜孔無解惟顧氏引曾氏說剖晰詳明又攷水經注
沂水逕臨沂縣故城東治水注之水出泰山南武陽縣之冠石
山東流逕蒙山下又東南逕顙臾城又東南逕費邑沂水在西
此東南注者俗呼小沂水則此水其卽治水歟○沂水出今山
東青州府沂水縣西北一百七十里雕崖山鄭康成云沂水出
沂山或云臨樂山
酈道元云沂水出艾山禹貢錙指謂雕
崖臨樂艾山皆沂山支阜之異名者接蒙陰縣界南流至江
南淮安府宿遷縣北匯爲駱馬湖又南入運河蔣廷錫尙書
地理今釋

以上魯山川

宋蕭有二毛氏說垂誤濟陰之垂亭辨鹿上水經注兩
載辨濇淵有二辨

宋在春秋兼有六國之地宿偃陽曹三國其見于經者也杞戴及彭

城則經傳俱不詳其入宋之年而地實兼併下宋蓋自三監作孽武庚反叛周公誅武庚而封微子于宋豈非懲創當日武庚國于紂都有孟門太行之險其民易煽其地易震而商邱爲四望平坦之地又近東都日後雖子孫自作不靖無能據險爲患哉故殷之遺民屬之懿親康叔而杞宋接壤俱在開歸匪特制馭亦善全先代之後宜爾也入春秋時宋乃有彭城彭城俗勁悍又當南北之衝故終春秋之世宋最喜事齊興則首附齊晉興則首附晉悼公之再伯也用吳以倚楚先用宋以通吳實於彭城取道楚之拔彭城以封魚石也非以助亂實欲塞夷庚使吳晉隔不得通也晉之滅偃陽以畀宋也非以德宋欲宋爲地主通吳晉往來之道也蓋彭城爲宋有而粗爲楚地偃陽爲楚與國皆在今沛縣境如喉嚨中之有物宋有偃陽而吳晉相援如左右手矣故當日楚最仇宋常合鄭以齟宋亦最力迨悼公

已服鄭不復恃吳吳闔閭之世力足以制楚不復專賴晉而宋於是晏然無事是彭城之係於南北之故者非小而宋常爲天下輕重者以其有彭城也自後吳日強橫齊魯俱被其毒害而宋始終不受兵亦以前日爲東道主之故也

顧棟高宋疆域論

案宋在春秋封域全有河南歸德府一州八縣之地開封府之杞縣封邱縣有宋之長邱蘭陽縣有宋之戶牖衛輝府滑縣有宋之城鉏陳州府治之睢甯縣有宋樞地西華縣有宋鬼閭地又江南徐州府之銅山縣沛縣蕭縣潁州府之太和縣山東兗州府之金鄉縣莘縣泰安府之東平州後滅曹又得曹州府之曹縣荷澤縣定陶縣共跨三省九府二州二十三縣之地又

都商邱今河南歸德之商邱縣成王封微子國號宋亦曰商魯蒐于紅革車千乘自根牟至于商衛釋例曰商宋一地是也
詩商頌譜疏樂記云武王伐紂既下車而投殷之後于宋謂伐紂卽封微子史記衛世家武王克紂以殷餘民封紂子

武庚以奉先祀是以武庚為商後書序云成王既黜殷民殺武庚命微子是命微子代武庚為商後封之子宋在成王時也漢書志宋今之睢陽本陶唐氏火正閼伯之墟其封域在禹貢徐州泗濱西及豫州孟豬之野地理志云宋地今之梁國沛楚山陽濟陰東平及東都之須昌壽張皆宋分也據時驗之是東至泗濱西至孟豬也○隱元年孔疏周公誅武庚更封紂兄帝乙之元子微子啟為宋公紹殷後微子卒弟微仲代立穆公七年魯隱之元年景公三十六年獲麟之歲昭公元年春秋傳終後五世齊魏楚共滅之

南里

邑 郛 防 蕪 薄 緡 彭城 雍邱 岳

地 垂從衛改入 菅 稷 虛 龜 亥 幽 梁邱

鹿上 孟 承塗 大棘 沙隨 虛打 澶淵襄三十五台地改入

曲棘 渠蔭新城併入鄭穀邱改入曹澤改入東貫改入衛葵邱改入晉

山川 泓

昭二十一年夏宋華亥向甯華定自陳入于宋南里以叛二十二

年春自宋南里出奔楚

杜注南里宋城內里名按傳華軀之臣張句劫華遂以叛召亡人華向樂大心等禦諸橫華氏居廬門以南里叛公子城大敗華氏圍諸南里次年華亥等自南里出奔楚南里爲近廬門地甚明穀梁傳曰宋之南鄙誤也高士奇○南里宋國城中之里叛

者內外合勢入而居之莫之能禁至於城舊廩以爲守宋其危

矣家鉉翁詳說

○廬門杜注宋東南城門○胡注高說見以邑叛門

○公羊曰宋南里者何若曰因諸者然何注因諸者齊刑人之地公羊子齊人以齊喻也按公羊傳注以南里爲宋獄非地名

孔廣森公羊通義

以上宋都

隱十年夏公敗宋師于菅取郕取防

杜注濟陰成武東南有郛城按郛有北郛有南郛北郛爲郛國
郛大鼎爲郛國所造器是也又有南郛爲宋邑在北郛城南二
里漢郛成縣屬山陽郡後漢省入成武成武屬濟陰郡晉因之
今山東曹州府城武縣東南二十里有郛城高土奇○防見魯
地

莊二十三年夏蕭叔朝公

僖三十年秋介人侵蕭

宣十二年冬楚子滅蕭

定十一年春宋公之弟辰及仲它石張公子地自陳入于蕭 秋
宋樂大心自曹入于蕭 十四年宋公之弟辰自蕭來奔

按莊十二年傳杜注蕭宋邑今沛國蕭縣攷秦置蕭縣漢屬沛
郡晉因之今江南徐州府蕭縣北十里有蕭城蕭本宋邑宋萬

弑閔公立子游羣公子奔蕭公子御說奔臺南宮牛猛獲圍毫
蕭叔大心以曹師伐之殺南宮牛子游立桓公其後申無字對
楚子曰宋蕭亭實殺子游卽此事也與鄭京櫟並稱知爲宋邑
明矣正義曰宋桓公之立蕭叔大心有功焉宋封之爲附庸自
是遂爲國莊十二年杜注以叔爲蕭大夫名二十三年穀梁傳
云微國之君未爵命者胡傳中國附庸例書字大心爲名則叔
自應爲字當以胡氏爲正文十四年傳宋高哀爲蕭封人以爲
卿杜注仕附庸還升爲卿也宣十二年楚雖滅之而不能有還
爲宋邑襄十年楚子囊鄭子耳伐我西鄙還圍蕭克之定十一
年宋辰入于蕭以叛是仍爲宋邑之明證也

高士奇
顧棟高

莊十二年傳稱蕭叔大心杜注蕭宗邑叔蕭大夫名而定十一
年經書宋樂大心自曹入于蕭宋辰等自陳入于蕭十四年辰

自蕭來奔此蕭是宗邑至莊十三年蕭叔朝公宣十二年楚子
滅蕭當另是附庸國近楚者昔人所稱蕭蓼荆楚皆以草名可
見與宋邑無涉莊十二年正義謂蕭大夫討賊有功宋封爲附
庸之國後爲楚所滅夫宋焉能封人國旣爲楚滅則蕭屬楚地
何得宋公子大夫後又得據以叛此則孔疏之難通者舊注皆
誤毛奇齡傳莊十○愚按毛說當是所引蕭蓼荆楚證爲近楚
二年宣十二年附庸朝魯與楚滅者另是國名亦有確證舊說未可廢也今並
存之

僖二十一年冬公會諸侯盟于薄釋宋公

按薄卽蒙縣之亳也莊十二年宋萬之亂公子御說奔亳杜注
亳宋邑蒙縣西北有亳城在今商邱縣西北周書立政有三亳
阪尹皇甫謐曰蒙爲北亳穀熟爲南亳偃師爲西亳此蓋北亳

也湯始興時所居孟子曰湯居亳與葛爲鄰亦名薄僖二十一年盟于薄哀十四年桓魋請以鞶易溥公不可曰薄宗邑也卽此穀熟之亳伊尹曰天誅造攻自牧宮朕載自亳卽此今商邛縣東南有穀熟故城偃師之亳湯伐商時所居書序湯居亳從先王居孔安國曰契父帝嚳都亳湯自商邛遷焉故曰從先王居南北二亳皆在商邛境偃師則爲西亳故曰自商邛遷也傳云成湯有景亳之命偃師有景山商頌曰景員維河又曰瞻彼景山蓋景亳之名因山而得春秋時爲鄭地襄十一年盟亳城北在河南府偃師縣城西

高士奇
顧棟高

○薄卽亳古字通用

張洽
集注

僖二十三年春齊侯伐宋圍緡

緡作閔後同

僖二十六年冬楚人伐宋圍緡

杜注宋邑高平昌邑縣東南有東緡城古爲緡國昭四年傳曰

桀爲仍之會有緡叛之卽此漢置東緡縣屬山陽郡閭駟十三
州記云鄒衍曰余登緡城以望宋都者也晉有東緡入金鄉水
經注濟水過金鄉縣南又東過東緡縣北故宋地也在今兗州
府金鄉縣東北三十里高士奇○穀梁作閔緡閔音近假音字
趙坦異○凡從文從民之字古皆通假如湑讀汶之類張壽恭
成十八年夏宋魚石復入于彭城

襄元年春圍宋彭城

杜注宋邑今彭城縣按舊爲太彭氏國堯封彭祖于彭城國語
大彭爲商伯是也春秋爲宋地史記楚共王拔宋彭城以封宋
左師魚石諸侯共誅魚石而歸彭城于宋卽此事秦置彭城縣
屬泗水郡其後楚懷王項羽亦都此時號江陵爲南楚陳爲東
楚彭城爲西楚晉立徐州今爲江南徐州府治高士奇○彭城

南控江淮北達河濟亦中國之要會楚以魚石守之塞夷庚而懼吳晉其謀深矣然以三百乘之戎孤懸於外亦何能爲此西

鉏吾之所以無憂也

朱朝瑛畧記

哀九年春宋皇瑗取鄭師于雍邱

杜注雍邱縣屬陳留按杞封雍邱杞遷東國地屬宋漢置雍邱

縣今爲開封府杞縣治

高士奇顧棟高

哀十三年春鄭罕達取宋師于嵒

傳曰宋鄭之間有隙地焉曰嵒作頃邱玉暢嵒戈錫子產與宋

人爲成曰勿有是及宋平元之族自蕭奔鄭鄭人爲之城嵒戈

錫宋向巢伐鄭取錫園房鄭罕達救嵒遂取宋師于嵒以六邑

爲虛杜上彌作等凡六邑嵒地未詳

顧棟高

以上宋邑

隱八年春宋公衛侯遇于垂

桓元年春公會鄭伯于垂

莊四年夏齊侯陳侯鄭伯遇于垂

按隱八年遇于垂傳作大邱杜注一地兩名也杜氏既知垂之
卽大邱而又曰濟陰句陽有垂亭自相戾矣大邱於漢爲敬邱
漢志沛郡注云明帝改曰大邱春秋遇于大邱卽此水經注睢
水側有大邱是臨睢水爲宋地與句陽屬濟陰郡之近濟水屬
衛異矣傳稱宋公以幣請先見修主道也則垂爲宋地審矣睢
陽有雉水字从犬而音同垂然則垂本雉也尤知其非垂亭也
王夫之○愚按高氏顧氏謂今山東曹州府曹縣北句陽店是
稗疏其地仍沿杜注之誤江氏永曰地近定陶疑當屬曹已疑其非
衛地矣得王氏攷辨而始明○後漢書陳寔傳除太邱長李賢

注屬沛國按漢書地理志沛郡無太邱縣惟敬邱下應劭曰春

秋遇于太邱明帝更名犬邱下犬字當作太字誤水經注淮水

又東逕太邱縣故城北班固地理志曰故敬邱也然則犬邱即

敬邱

洪亮吉卷施閣文甲集與錢少詹論地理書

隱十年夏公敗宋師于菅

杜注宋地按當在今曹州府單縣北境

顧棟高

桓二年春會于稷以成宋亂

杜注宋地按當在今歸德府境○按水經注陳留外黃縣南有

稷里

徐文靖管城碩記

桓十二年公會宋公于虛

公羊作鄒

杜注宋地疑在睢州境○公作鄒釋文音談按虛訓空以其有

空音也鄒與空則音之通轉

趙坦異文箋

又 冬公會宋公于龜

杜注宋地疑亦在睢州境○黃氏說見內特會門

桓十五年冬四國會于袤伐鄭

昌氏反公作侈說文引作後張參五經文字作袤云充爾反

杜注宋地沛國相縣西南有袤亭按今在江南鳳陽府宿州

高士

奇顯棟高

○公羊作侈宋公上有齊侯說文侈字引春秋傳公會齊

侯于侈是袤乃侈之變而宋公上當有齊侯也

段玉裁左氏古經注陳樹華集

解攷正

○後漢志袤一名犖

江氏考實

○袤侈義近音同古通用

趙樸真文箋

莊十六年冬同盟于幽

莊二十七年夏同盟于幽

杜注宋地按當在今歸德府考城縣境

高士辛顧棟高

○宋助齊成霸

可見

季木地考

莊三十二年夏宋公齊侯遇于梁邱

杜注在高平昌邑縣西南按在今曹州府城武縣東北括地志

城武縣東北有梁邱城蓋齊宋接界處今其地有梁邱山穀梁

云顧氏誤作公羊

在曹邾之間去齊八百里則其地近宋

高士奇顧棟高

穀梁傳梁邱在曹邾之間去齊八百里非不能從諄侯而往也

辭所遇遇所不遇大齊桓也○梁邱近宋桓執謙而遠遇宋公

不以伯主自居也

張洽集注

○近宋遠齊桓不憚勤勞而往見圖伯

之勤

戴溪講義

僖二十一年春盟于鹿上

杜注宋地汝陰有原鹿縣按東漢置原鹿縣屬汝南郡晉屬汝

陰郡今江南潁州府太和縣西有原鹿城

高士奇顧棟高

○水經注叙

淮水逕原鹿縣云卽春秋之鹿上叙濮水逕鹿城南引後漢郡

國志濟陰乘氏縣有鹿城鄉又以爲卽鹿上一說並存原鹿在

宋之西南楚蓋近而齊為遠乘氏在宋之東北齊蓋近而楚為

遠宋求諸侯於楚自必就其近楚之地當以原鹿為是永

又 秋會于孟 公作霍穀作零或為宇

杜注宋地按哀二十六年宋大尹盟六子于唐孟即此今歸德

府睢州有孟亭 高士奇 顧棟高 ○孟字零聲誤霍又零形之誤 毛奇齡 簡書刊

誤 霍有護音與孟音近故公羊假霍為孟零與孟同部字故穀

梁假零為孟范注零或為宇亦音近也公羊疏云左穀誤或所

見異未之深考爾 趙坦異 文箋 ○孟有吁音零亦有吁嗟之義故字

又轉為霍猶公孫吁之為公孫霍也 錢大昕 聲類

文十一年夏叔彭生會晉卻缺于承筐 筐公穀作匡

杜注宋地在陳留襄邑縣西按秦為承匡縣後徙縣于襄陵城

遂廢亦曰匡城襄陵即衛之襄牛宋襄公築之日襄陵秦為襄

邑今爲睢州水經注渙水逕離邱故城南又東逕承匡城又東逕襄邑故城南故宋承匡襄牛之地又谷水受渙水于襄邑縣東東逕承匡城是也在今歸德府睢州西三十里

高士奇
顧棟高

宣二年春宋鄭戰于大棘

杜注在陳留襄邑縣南按水經注過水逕陽夏縣西又東逕邈城北又東逕大棘城南卽宋鄭戰處後其地爲楚莊所并在今甯陵縣西南七十里

高士奇

成十六年秋六國會于沙隨

襄二十二年冬十二國會于沙隨

杜注宋地梁國甯陵縣北有沙隨亭按水經注汜水逕甯陵縣之沙陽亭北故沙隨國也在今歸德府甯陵縣西六里

高士奇
顧棟高

成十八年冬同盟于虛朶

杜注闕或曰卽宋之虛也

高上奇顧棟高

○鄭氏曰宋地卽虛也按傳

元年會種公羊作打二傳注皆云宋地桓十二年虛龜亦皆宋

地可證此爲宋地

徐卓經義未詳說

襄三十年冬會于澶淵宋災故

按此澶淵宋地與二十年二十六年盟會之地不同說文澶淵

水在宋卽此後漢郡國志沛國杼秋有澶淵聚劉昭注誤引襄

二十年之文

洪亮吉春秋詁

○後漢志之杼秋故屬梁國其地在考城

之南豐沛碭山之間宋地故謀宋災會此杜氏仁知繁淵之爲

澶淵而沛梁之澶淵隱矣

王夫之稗疏

○杼秋今江南蕭縣顧棟高輿圖

昭二十五年冬宋公佐卒于曲棘

杜注宋地陳留外黃縣城中有曲棘里彙纂曰當在今開封府

杞縣境按水經注外黃縣有渠水爲宋之曲棘里故宋之別都

也又宣二年戰于大棘彙纂謂睢州西曲棘里有棘城則曲棘

又近睢州也

江永

○辨公羊說見外諸侯卒門

定十五年夏齊侯衛侯次于渠蔭

公作蔭條左傳作蔭擊

杜注宋地傳曰謀救宋也地今無考

高士奇

○案渠蔭蔭條音

皆同故公羊作蔭條左氏傳又作蔭擊皆假音字

趙坦異

○杜

云渠蔭擊二名按聲相似耳非有二名

梁履繩補釋

以上宋地

僖二十二年冬宋楚戰于泓

杜注泓水名按寰宇記鄆城北里郭有泓水卽宋楚戰處鄆城

在今歸德府柘城縣北三十里

高氏攷畧顧氏山川篇

○公羊云宋公與

楚人期戰于泓之陽楚人濟泓而來

以上宋山川

卷四十六終

補東周列國論

孟子言公侯百里等制與周禮諸公封疆方五百里等制不同按井田之制方里爲井方十里爲成方百里爲同方千里爲圻天子一圻諸侯一同則所謂方百里者特以田計耳若合山林川澤附庸言之則公侯之國不止於百里也如周公封魯爲方百里而泰山在其封內顓臾亦在邦域之中若曰總方百里則泰山與顓臾國之外土田無幾矣故閼宮之詩曰錫之山川土田附庸然則周之所謂方五百里者蓋合山川附庸大約之限言也而禮記所謂魯地方七百里者則山川附庸之多所以厚周公也夫以井田之制方方整整而天下地勢高高下下故山川林麓雖有餘地而不可以畫井畝分溝澮者則以爲園地牧地等但取其地之平闢者井之是以古者池田各以地名如所謂濟西之田汶陽之田龜陰之田戚田許田蓋可田之地

畫爲井洫隨其廣狹以爲多寡故各以其地名其田至於封國則總其田計之公侯則足一同之數而伯子男以此降殺焉此封國之大略也古者井田方里而井方十里者爲方一里者百方百里者爲方十里者百以方十里之百乘方一里之百是百里之田計萬井也八家同井則萬井者八萬家包氏曰方里爲井十井爲乘每乘甲士三人步卒七十二人是八十家而出七十五人蓋司徒之法起徒役毋過家一人其餘以爲羨卒夫八十家而出一乘八萬家而出千乘此百里之田所以爲千乘之國也

金履祥
仁山集

周之亂天下非制失也失在政也封建之制地有差等祿有多少禮樂器物各有分限下者不可上少者不可多降者不可升無者不可有執是而行雖專國繼世未有亂者也若地不必有差等祿不必有多少禮樂器物不必有分限下者不必下少者不必少降者不必降

無者不必無則未有不亂者也觀周世之末然矣豈制之失乎是失其政而然也三代之盛非不封建也而不聞亂何封建利於三代之初而不利於三代之末乎是政存與政失之謂也使周末之天子執文武成康之法而不失則文武成康之時也安得有問鼎射王之事故曰周之亂在失政也且夫諸侯者奉天子之法以理其國者也賞罰黜陟莫不由天子是故山川神祇有不舉者爲不恭不恭者削地宗廟有不順者爲不孝不孝者絀爵變禮易樂者爲不從不從者流革制度衣服者爲叛叛者討夫然則天下諸侯莫敢不爲善也五國爲屬屬有長十國爲連連有帥三十國爲卒卒有正二百一十國爲州州有伯天下八州各以其屬屬天子之吏吏以治伯伯以理正正以理卒卒以理帥帥以理長長有不善則帥舉之帥有不善則卒舉之卒有不善則正舉之正有不善則伯舉之伯有不善則吏舉之上

下相制雖有不肖者固不敢爲不善也故曰雖專國繼世而不能爲
亂也

宋文鑑廖
偁封建論

春秋屬辭辨例編卷四十六終